


# AMEPUSHO NA MASUKO

## ABA HEBERE ICIPANDWA I

 Nimusango nshi ena engacitilamo ico ukwabula Lesa? Ili lyena limo lya cine, teifyo? Tekuti cicitke ukwabula Shikulu.

Nshashimikile pali yena yonse. Lelo Natontonkenye ukuti limbi Njikatefye pa cintu cimo icifinineko, namwishiba, eico mfwile Naipékanya. Lelo, oh, lyena lilifye nganshi, nganshi ilyanguka. Eico limbi yena te mepusho ayengi ayo abantu bakwete nomba, ayo yalifye nganshi ayabula ukukosa yena yalifye mepusho ayaanguka. Ukuba, Ndi uwasansa ukwesha ukwasuka yena mubusuma Ninga citilamo, ukupitila mubwafwilisho bwakwa Shikulu.

<sup>2</sup> Kabili ngacakutula Nkashi Arganbright ali muno munshita ino iyabushiku. . . Nkashi Ruth. Bushe uuli pamo, Nkashi Ruth? Kuno pano. Nikwata a. . . oh, ee, Ninkwata akeyala pano, kabili. . . Iyo, Nshikwete. Ukuba, Nalaifwaya pano Nalaimona. Naibikile mwibuuku lyandi ilya mwitumba, kabili Ninsha ibuuku lya mwitumba lyandi ku n'ganda. Nomba, ngacakutula ba kapokola banjikata ilyo ndeya ku ng'anda, Munyina Fleeman, wise umpokololeko. Umwebe Billy ukuti Nde. . . ninsha ibuuku lya mwitumba lyandi ku ng'anda, Ndeensha ukwabula lasensi munshita ino iyabushiku. Ine Nacitontonkanya ukuti Nacibika yena mwitumba lyandi; Nacininjafye ifyakufwala. Nacingila mukati lubilo lubilo, muno cungulo kasuba, nacilakwempa ifyani bwangu bwangu nacileka nokwangufyanya kabili, bacimpela ifyakufwala fyakucinja nokubutukila ukwisa kuno. Kabili Na—Na cileta dikisionale, lelo kuti mwaibula panuma ukuifumya mulya.

<sup>3</sup> Mwiumfwa ububi pali *ilya* nkalata. Ngacakutula Nshapokelelapo imo iyabipishapo ukucila pali ilya, ilya yabapo nabwino. Ilya isumapo. Ilya isumapo nganshi, isumapo nganshi. Nalimyebele ukuti Nshalefwaya ukubelenga yena, lelo bwangu bwangu Naibulile yena, namwishiba, nafililwe ukuisunga panshita itali. Nasungwike pafyo alandile. Kabili yena yali iisuma nganshi, iisuma nganshi, alembele kwati nga fintu kafundisha wapesukulu umwine mwine afwile alemba. Ilya isumapo nganshi, kabili Ndetotela pali yena. Kabili yena—yena ilempela. . .

<sup>4</sup> Mwamona, Nalitemwa amakalata yantu umu uyo uwinga—uwinga pusanako panono pamo naine. Mwamona, ngacakutula muleenda abaumfwana inshita yonse, tapali nangu umu

ulepusana pamo na iwe, kuti waba uwatalalila. Iwe ufwile ukupusanako panono pakutila kuti wakutulukako nokwingilako mumatontonkanyo. Kabili—kabili iwe kwingilafye umuku umo mukushika kwama tontonkanyo ngacakuti taumwene; nomba iwe—nomba iwe kuba mubwafya lintu wacita ico. Iwe ufwilefye ukutwalililapofye ukubula umuntu umo uwapusana pamo naiwe nokukunta amasako pa muku umo pa kashita kamo.

<sup>5</sup> Mulya mu Africa Nasangile inkalamo shibili, kabili shena shali ishinono, ishaba *ngefyo*. Isha matoni, ayanono, utwana twa nkalamo; utunono utwana twa nkalamo, inkalamo iinono iyanakashi. Kabili nomba, shamoneke kwati nitu pushi utunono, shena shali ishinono kwati *ngefyo*, ishinono. . . utunono utuntu twayemba, twale angalafye. Kabili Nali nokutusenda ukutuleta kwa America, Nali nokutusendela muli kasalanga wa fyuni. Nali nokutuleta kuno, lelo Nshasangile iili—iili yonse inshindano iyakushilasa, umuti uuli onse. Kabili bena tabansuminishe ukushileta mu United States ukwabula shena ukubalilapo ukushilasa, umuti Nshasangile yena mu Africa yonse. Lelo nga cakutila iwe walefwaya ukwishiba ukutila ni nkalamo nangu iyo, iwe kuikakafye panono. Ena kuti afiposa nokukulenga iwe wishibe ukutila ni nkalamo, eico—eico ulya umusango kuti waleka iwe ukwishiba apo yena yaiminine.

<sup>6</sup> Uyo wine emusango iwe ufwile ukucita pa muku umo mukashita, namwishiba, umusango waku kunta amasako kunuma, ukutila winga fwailisha. Lelo, nomba, ifwe tatufwile ukufulwa nge nkalamo; ifwe fye—ifwe fye twalitemwa ico, uku. . . abantu ukwipusha amepusho. Kabili amepusho yaba *ngefyo*, Nkashi Ruti, yaba nganshi, yaba nganshi ayasuma kuli ine. Yena yaba. . . Ine—Ine nalitemwa ico, mwamona. Nyayo ayabipisha nganshi ayo Napata ukupokelela. Lelo yena aya yali. . . yali bwino.

<sup>7</sup> Nomba natukwata yamo ayasuma, ayakusunkanya, amepusho ayasuma. Kuliko kashimikila kunuma kulya mu muputule wakunuma nombaline fye, acinjipusha, acitila, “Bakasesema babili aba mu Kusokolola 11, bushe bakabalilapo ukwisa ilyo Ukusumbulwa takulacitika? Nangu ilyo fye Israeli talasendwa? Kabili ni cinshi. . .” Nomba, uyo emusango wa mepusho ayakuti—ayakuti ayakuti wafilwa ukwasuka. Lelo aya amepusho ayaanguka kwati ngeli yalifye bwino.

Lelo nomba, ilyo tatulatampa, natukontamike imitwe yesu kwipepo.

<sup>8</sup> Taata, cena calishibikwa ukutila ilyo Imwe mwali nemyaka ikumi na ibili iyakufyalwa, Imwe mwasangilwe mwi Tempele pamo naba kalemba naba mano, mwalelanshanya pamo nabena mu Malembo. Kabili bena bali—bena balisungwike pafyo. . . abantu abakalamba, kabili abakanshiwa bwino mu Malembo, kabili nomba moneni Umulumendo umunono uwa myaka

ikumi na ibili iya kufyalwa ifyo fye—ifyo fye alesungusha, mukulondolola kwa Malembo. Imwe mwali pa mulimo wakwa Wiso Wenu. Imwe mwasosele kuli ba noko Benu ukutila, “Bushe tamwishibe ukutila Ine mfwiwe ukucita umulimo wakwa Taata Wandu?” ukulondolola Amalembo no bupilibulo bwabu mupashi.

<sup>9</sup> Kabili nomba twapepa, Shikulu, ukuti—ukuti Imwe mwalishiba ifyo ifwe twaba abanaka kabili abafwelela, kabili nefyo twaba abanaka mukucita ifilubo, ukutila Imwe mwalaisa fye mukuba pamo na ifwe muli tino inshita ya bushiku mumibele ya Mupashi wa Mushilo, kabili mwalalondolola Amalembo kuli ifwe. Ine ndelolela no kushintilila pali Imwe. Kabili nga cakutila Ine kuti, panshita iili yonse, naesha ukubikamo amatontonkanyo yandi nangu ukupilibula nangu icintu cimo icakuitemwa, ukwesha ukucipanga ukumfwika bwino kwati ngefyo munshila Nacilaesha ukucilondolwelamo ukuba icalungama, isaleni akanwa kandi, Shikulu, ngefyo Mwingacita. . . Imwe mwacitile ku nkalamo, lintu shalefwaya ukulya Danieli. Imwe mwabafye muli Lesa umuwine.

<sup>10</sup> Kabili lekeni cibe icafikapo. . . Ilyo tuleshintilila pa Mupashi wa Mushilo, lekeni Ena asokolole fye ifi fintu kuli ifwe. Kabili lintu Ena alefilanda, lekeni fyena fibe ifya ololoka pakutila umo uyo uwacipusha ilipusho engaba uwakupokelela Ico. Kabili nga cakutila Cena caasuka icapusanako kuco Ine nacetekela lyonse, nomba lekeni umutima wandi usangalale pamo, Shikulu, ukwishiba ukutila Ine ninsanga icintu cimo icipyu, kabili inshila imo iisuma iyakwa Shikulu. Pantu Imwe mwatile, “Fwayeni mu Malembo, pantu muli Yena imwe mutontonkanya ukutila emwaba u Mweo wa Muyayaya, kabili Yena eyamo ayapela ubunte pali Ine.”

<sup>11</sup> Nomba, panuma yakufunda ili Ilembo, lyena icine cine lyala imya amatontonkanyo ayengi nefili ngefyo. Kabili Napepa, mwe Lesa, nomba ukuti yonse aya amepusho yalemoneka ukuba ayasuma ayaipushiwa mukunakila, lekeni Mupashi wa Mushilo mukunakilila kabili mubusuma asuke yena. Pantu twaipusha ico mwi Shina iyakwa Yesu, kabili naku bukata bwakwa Lesa, kabili namukukula i Chalichi Cakwe. Amen.

<sup>12</sup> Kwaliba inshita ishingisho ukuitemwa pa cintu conse, konaulafye ubusuma bwaico icintu conse. Kabili nomba, amepusho panuma ya ili Ilembo nayepushiwa.

<sup>13</sup> Nomba, nga Nafumyakofye umupu panono munshita ino iyabushiku, Ine balimfumya ilino. Kabili nga Nabikapo lyena, kabili Ndefilwa ukushimikila, Ndelanda panono lintu Ndeshimikila; nga Nalifumya, nicikangafye Ndishe umunsoli.

<sup>14</sup> Misisi Billy Graham alandile ilyashi pali ena, ukutila ukusamwa ukwabipisha kuntu ena amwene kulu ena, kwali, lintu ena bamufumishe ilino lyapantanshi. Kabili ena alililufishe

kabili alikwete ubutantiko bwapamulabasa bwafikope palya pene, kabili—kabili aphililwe ukucita ico...Lyali pambale nameno yambi ayakunuma pali yena. Kabili lintu atampa ukulanda, alishishe umunsoli “whew, whew” ukupitila palino lyakwe. Kabili atile afukemeko pamakufi yakwe, alepepa kabili nokupiba, ama mineti ikumi ilyo takulaba ukulanda kwapa mulabasa wafikope, kabili mukulekelesha basangile lyaponene mwitoloshi lyakwe mucikondo camunsapato yakwe. Umo pali bakasenda bafiye mu hotel alisangile, lilya ilino lyakufwala. Kabili Misisi Graham alandile ico kuli ena, kabili napano. Kabili eico Nimfungilisha mwipepala ilinono, Ndetontonkanya Ninsanga icalungama pano muli Baibele yandi.

<sup>15</sup> Kabili eico lyena lili kwati...lintu twakulako panono twapwa, namwishiba, tuli nokulufya aya, cena cilamoneka ububi. Kabili eico Ine...ilyo Nafuminapo pamo Munyina Roberson ukubwelela kulya, nabonse, Naleliwamy mulucelo lumo kabili kwaputwike akapimfya kanono kuli lyena, kabili Nalisendele ukulitwala kuli dokota, pakutula aya libika bwino. Eico Shikulu alundeko amapalo Yakwe.

<sup>16</sup> Nomba twalapatamo, nomba, Ine nalaesha ukupitamo muli yonse pali yena, nga cakutula kuti Nacita ico. Kabili, Munyina Tony, ukupitila mukusenamina kwakwa Lesa, Ninkwata ukupilibulwa kwaciloto cobe, kabili cena cili icisuma. Ndi uwansansa nganshi ukumona ico. Kabili cena kupilibulwa kusuma, uko Ine Ndeingililamo ukutula Nshimfwile ukulanda ico palwalala pano, eico Ndecipela kuli iwe pa mbali nga cakutula iwe—nga cakutula iwe taulefwaya...nga cakutula iwe ulecifwaya iwe muli iyo nshila. Alinjipwishe ubushiku bwafumineko, ena alikwete iciloto, kabili Nshamwebele ifyo cena cali mpaka Naile kuli Shikulu nokupepelapo palwa cena. Nomba Shikulu asokolwele cena ukucileta kuli ine kabili anjebele ifyo calepilibula. Cena cisuma, kabili lyashi ilisuma kuli iwe, Munyina Tony.

<sup>17</sup> Nomba, palipusho lyakubalilapo. Nomba, Nshishibe napakutampila mukubalilapo, pantu yena yonse yali ayasuma. Lelo, nomba, tumone ukutula tatusendele ishita iitali, kabili limbi ifwe tukayapwisha pa Mulungu, nga cakutula twafilwa ukuyapwisha.

**51. Londololeni ifyo cilepilibulwa “mukukandwa kwa muyayaya,” muli Mateo 25:46. “Lelo lyena...”** Ilyo e lipusho.

**52. Nomba, ilipusho lyabubili: “Lelo abana aba mu bufumu bakaposwa kunse mumfimi,” bushe ilyo lili pali cimo cine ngo kubaposa bena ukubafumya mu mano yakwa Lesa?**

<sup>18</sup> Ukuba, nomba, buleni ilipusho lyenu ilyakubalilapo, ililesangwa mu Washila Mateo, pa twenti...pa chapitala 25. Nomba ifwe twala...Nomba, Nshabelengapo pali ifi,

naloleshefye pali yena kulya kunuma, kabili naeseshe fye mumaka yandi ukuya fwailisha bwino mumaka ayo Ine—ayo Ine naishiba ifyo yengaba. Kabili muyandi... Imwe isuleni pamo naine muli ba Baibele benu, ilyo tulesambilila Ici. Nomba, Nalefwaya ukufumya ici muli mumashiwi yaci Greeki pamo, pakutila imwe mukwate icakubalilapo ca ico. Kabili Ine—Ine nalitemwa ico. Eico nomba twalakwata Ico muli fyonse fibili—muli fyonse fibili—muci Greek namuli lumbi. Kabili nomba ici calaba—calaba icawaya wayako, muku sambilila, pantu Mfwile nafikapo nokufwaya Amalembu ponse apo Ningayasanga yena, kabili nokuyabula nokuyabika mu ncende shayako. Nacilungama.

<sup>19</sup> Nomba, kuliko umuntu ulefwaya Baibele iyaku sambililamo? Nga ulefwaya, imyako ukuboko kobe. Kabili ifwe... Ndetontankanya natukwata yabili nangu yane kunuma kulya. Nga cakutila imwe mulefwaya ukusambilila mu Malembu, cilifye icalungama. Munyina Cox, nga kuti waisa kuno nokwisa mbulilako aya ama Baibele? Kabili yena—yena yasuma kuli imwe, nga mulefwaya, uku... (kuliko imo, kabili imwe fye—fye nga mulefwayafye ukuyabula yena nga cakutila mulefwaya, yonse yalya ayengi). Kabili umuntu onse uyo ulefwaya imo, imyeniko fye ukuboko kwenu, kabili umulumendo alayaleta apo imwe muli, mwamona. Kabili tulefwaya ukusambilila ifi capamo, kabili fye...

<sup>20</sup> Nomba, pali uku ukubelenga nama chapitala yakulekelesha... ama chapitala cine lubali ayakubalilapo aya mwi Buuku lyaba Hebere. Panuma yakufundisha, ifyo fine, umulumendo alelemba ifi, aya amasambilisho, Munyina Mercier na Munyina Goad, nabakwata aya kabili nomba balepekanya ukuyalemba mu musango we buuku. Kabili nabakwata ico. Nomba... tatukwete icintu nangu cimo icakutila cili icabikwa pamo citika, ifwe tukumishkofye pa muulu. Kabili Ndetontankanya nabakanya yena... kabili babulilemo i—ifikomo ifikalamba ukufumya mu... kabili balewamyafye ifikomo ifikalamba, ifikomo ifinonofye ifya mukufunda ukumya muba Hebere. Munyina Mercier ali nokukwata yena nombaline, mufya lembwa, ku muntu onse uulefwaya yena.

<sup>21</sup> Nomba ici pano, cileletamo... Imwe tekuti mupitulukemofye... mu chalichi caba kasabankanya, umo cino caba chalichi caba kasabankanya. Teti mupituluke mu—mukufundisha ukwabula ukwimyo ifyakutunganya nama tontontankanyo aya bantu abengi. Imwe mufwile mwacita ico. Nomba, Ine ndi ukutali saana ukuba kafundisha, ine nshili kashimikila wakulondolola ifyaba muli Baibele nakalya. Lelo Nshesha ukulanda icili conse, nangu ukucita icili conse, lelo mukubalilapo—mukubalilapo ndepusha nangu ukufwailisha icintu icilungeme ica ico.

<sup>22</sup> Caipushiwe kuli ine na munyina watemwikwa, ubushiku bwafumineko, ena atile, “Munyina Branham, Munyina Seward pamuku umo atile ukuti iwe—iwe teti kube ukukucimfya apali ponse. Mwamona, ukutila iwe lyonse ulakwata inshila iyakufuminamo nangu ukubutuka ukufuma kuli cena.”

<sup>23</sup> Natile, “Ukuba, umulanduabela ifyo, Ine lyonse ndatontonkanya ilyo Nshilacita icili conse. Mwamona? Kabili nomba nga cakutila abantu kuti banjipusha, nomba Ine kuti nabeba ifyo amatontonkanyo yandi yaba. Mwamona?” Lelo cena caba nga cakutila iwe uletontonkanya icalungama. Kabili ilyo taulacita icintu icili conse, iwe ufwile ukwasha ukubula ulubali ulo Lesa afwile afwaya iwe ukusenda, nomba cena icine cine kuti caba icakosa ukukucimfya.

<sup>24</sup> Iwe tekuti welenganye inshita intu—intu Ahabu aeseshe ukucimfya Eliya. Bushe kuti mwaelenganya inshita intu aba Fariseo baeseshe ukucimfya Yesu? Mwamona, Ena alikwete—Ena alikwete ubwasuko mukwangufyanya, pantu fyonse ifyo Ena alecita, Ena acitile umwabela ubufayo bwakwa Lesa, kabili Ena . . . iyo eyali inshila Ena—Ena alekwatilamo ico. Nomba, iyo ine enshila iyo tufwaya cena ukuba ngeci.

Nomba ilipusho nalipushiwa, twalakonkana nelipusho:

**Londololeni ifyo cilepilibulwa “mukukandwa kwa muyayaya,” muli Mateo 25:46.**

<sup>25</sup> Nomba kutikisheni bwino. Umuntu onse nomba, Mateo 25:46:

*Kabili aba bakaya mukukandwa ukwa muyayaya: . . .*

<sup>26</sup> Nomba, ilipusho lili ilyakuti, “Cinshi . . . Londololeni . . .” Nomba ishiwi *umuyayaya* lyafuma kwi shiwi “ilya kutwalilila,” kabili nokutwalilila *umuyayaya* “cili ninshita iyabikwa.” Cena cilepilibula fye “inshita iyaba iikalamba,” ngo *muyayaya*. Nomba nga cakutila iwe wabelengafye . . . Nshishibe uyo uwalemebele amepusho, pantu tapali nangu umo uwabikilepo amashina yabo; ico tacali nokuba, ukuti Nshileyafwaya, mwamona.

*Lelo aba bakaya mukukandwa kwa muyayaya: . . .*

(Nomba moneni, abo babifi.)

<sup>27</sup> Nomba, wemutemwikwa—wemutemwikwa umuntu waipwishe ili ilipusho, belengafye ilyashalako Lyena lyonse:

*. . . lelo abalungama bakaya ku mweo wa muyayaya.*

<sup>28</sup> Ababifi bakaya mukukandwa ukwa muyayaya (ku nshita iyabikwa imo), lelo abalungami balikwata u Mweo wa Muyayaya. Iwe tawakatale ausanga ukukandwa kwa Muyayaya, teti cibe ifyo. Mwamona, nga cakutila bena balikwata ukukandwa kwa Muyayaya, bena balikwata u Mweo wa Muyayaya; bena balikwata u Mweo wa Muyayaya, bena balipusuka. Mwamona, teti cibe ifyo. Nomba nga cakutila

imwe mwamona, i—ilipushiwe palwa liko . . . nalikwata amasuko palwaliko. Mwamona?

*Kabili aba . . .*

Nomba moneni, Nalayako pantanshi pano:

. . . kabili *benā* . . .

<sup>29</sup> Mu ya 20 . . . na versi ya 44:

. . . kabili *benā pamo* baaswike, batile kuli Ena, *Shikulu, nilisa* ilyo twali *nensala*, lintu twakwete icilaka, kabili *umweni*, kabili *ubwamba*, . . . kabili *mucifungo, kabili twakene ukupyungila imwe?*

*Nomba—nomba ena akabasuka, nokutila, Icine cine Ndelanda kuli imwe, Ifyo fine* fintu imwe *mwacitile ico . . . kuli umo uwaba cepesha pali aba, mwacitile . . . ico kuli ine.*

*Kabili aba bakafumapo nokutwalwa mu mwa muyayaya* (muyayaya) *ukukandwa: (abo babifi) . . . lelo abalungami mu Mweo wa Muyayaya.*

<sup>30</sup> Moneni ubupusano? Aba bifi balikwata ukukandwa kwa muyayaya, lelo *umuyayaya* waba “ni nshita yabikwa.” Nomba, nga cakutila cena cali cimo, cena nga calilembwa, “Kabili aba bakafumapo nokuya mukukandwa kwa muyayaya, bambi bakafumapo nokuya mu mweo wa muyayaya.” Mwamona? Nangu, “Bena bakafumapo nokuya mukukandwa kwa Muyayaya, kabili na bambi bakaya mu mweo wa Muyayaya.” Mwamona, nga cakutila kwalibako ukukandwa kwa Muyayaya, ukukandwa ukwa muyayaya no muyayaya, nomba ninshi kwaliba u Muyayaya. . . bena balikwata u Mweo wa Muyayaya; kabili no Mweo wa Muyayaya fye umo, kabili uyo wisa ukufuma kuli Lesa. Icintu conse icishakwata intendekelo tacakwata impela, icintu conse icakwata intendekelo calikwata impela. Mwamona eco Ndepilibula?

<sup>31</sup> Nomba, Amalembo Payaluko ayo u—umuntu watemwikwa aaswike . . . Nomba nga mwabula ukutwala muli dikishonale, “*Kabili aba bakaya kuntanshi munshita iyapimwa, ukuputulwako, kabili munshita ya- . . . kabili mu mulilo, bema wa mulilo.*” Nomba, i shiwi lya *a-i-n-o-n* cilepilibula “inshita yakukandwa iyabikwa.” Mu dikishonale yaci Greek, pano pene, “inshita yakukandwa,” nangu, “inshita yakukandwa.” Mwamona, “Bena bakafuma nokwingila munshita iyakukandwa.” Ishiwi ilibomfeshiwe, *a-i-n-i-o-n*. *Ainion*, iilepilibula “inshita, inshita, inshita iyapimwa.” Nomba bwekesheni ico mu—mukupilibula pano, mu Cisungu, *umuyayaya* ni “inshita iyapimwa.” Mwamona, lyena lyafuma kuci Greeki, “ukupimwa kwa nshita.” Ishiwi *anion*, nangu *a-i-n-i-o-n*, *anion* cilepilibula “inshita yakukandwa iyapimwa.”

<sup>32</sup> Lelo nomba belengeni ayashala yambi, “Lelo aba bambi bali nokuya mu Muyayaya.” Ubo ebupusano. Mwamona, o Mweo wa Muyayaya. *Umuyayaya* wafuma kwi shiwi lya “Muyayaya,” kabili Umuyayaya tawakwete nangu intendekelo nangula mpela. Yena ya muyayaya *no* muyayaya. Nomba ico cifwile caasuka ico, mwamona, pantu nga mwabelenga Amalembu mukumfwikisha ukwine kwine, imwe muli nokumona.

<sup>33</sup> “*Kabili aba bakafumapo nokuya mukukandwa kwa muyayaya, lelo abalungami...*” Ababifi bakaya mukukandwa ukwa muyayaya, bena bakakandwa pa nshita iyabikwa; limbi imyaka ama billioni, Nshishibe, lelo imwe muli nokundwa icine cine pa membu shenu. Lelo mucituntulu nga fintu ulubembu lwakwete intendekelo. ulubembu lwalikwata impela, Ukukandwa kwalikwete intendekelo, kabili ukukandwa kwalikwata impela. Kabili imbo yapangilwe ciwa naba malaika bakwe. Mwamona? Nacilungama. Nomba, Ninkwata nalimbi limo pano ilyakwasuka ico, muma mineti fye ayanono, ilyo ilili ilisuma, ukwikatanya muli lyena.

Nomba, lelo aba pano: **“Lelo abana aba mu bufumu bakaposwa mu mfifi,” bushe ico cili palwa cimo cine ngo kuposa bena ukubafumya mu mano yakwa Lesa?**

<sup>34</sup> Iyo, cena tekuti cibe cimo cine. Nomba, imwe mulusontelela pano ku Mulalilo wa Bwinga. Nomba, “Kabili abana aba Bufumu,” ngafintu cipushiwe pano. Abana aba bufumu ba Yuda, kabili bapospelwe kunse ku mfifi. Kabili bena—bena baposwa kunse mu mfifi, kabili bakapita munshita yakulila noku losha nokusumanya ameno. Bena bapospelwe kunse mumfifi pakuti capelako iwe na Ine inshita yakulapila, lelo tabatalile abaposwa ukufuma mu mano yakwa Lesa. Ena takalale alabako kuli Israeli. Kabili Israeli aba, ni onse kabelenga wa Baibele uwaishiba, alesontelela ku “bana ba bafumu.” Mwamona, bwena bufumu, ubulayo. Mu mashiwi yambi, Lesa ukubombela pamo ne calo, lintu Ena abombele pamo na Israeli abo ebana ba nufumu.

<sup>35</sup> Nomba, imwe ibukisheni, Ena alandile kulya ukuti, “Kabili Abrahamu na Isaki na Yakobo,” mu ncede imo, “bakesa nokwikala mu bufumu kunshita yakulekelesha.” Mwamona, kabili ulya Abrahamu, Isaki na Yakobo bakaba mu bufumu; bena baali amapalo ya bantu ayamu bufumu. Lelo abana abumu bakaposwa kunse mumfifi.

<sup>36</sup> Nomba, uko icakusontelelako cilefuma pano niku—nikuli Shibwinga. Lintu Shibwinga aishile, lintu bena bale. . . Basano bana cisungu baile mukukumanya Shikulu, kabili—kabili tabasendele amafuta nangu yamo mu nyali shabo. Kabili balya—balya bambi basano bena basendele amafuta mu nyali shabo. Nomba, ngakuti mwamona, cena cikope icisuma, kuli bonse babili aba Yuda ba bena Fyalo, ngabakanwa. Mucisunge mu



mano yenu ukutila kwaba amabumba yatatu aya bantu mu nshita shonse: aba Yuda, abena Fyalo (ababafye), . . .; aba Yuda, abena Fyalo, ne Chalichi. Ngacakuti mwasakanya ifi fyena, imwe icine cine muli nokuya mubwafya lintu mwafika mu Kusokolola. Pantu ngacakutila tamucitile. . .

<sup>37</sup> Kwati nga fintu Mista Bohanon alandile kuli ine pa nshita imo, atile, “Billy, umuntu onse uwingesha ukubelenga Ukusokolola kuti akwata ifya kutinya. Mulandu nshi,” ena atile, “pano pe sonde paliba Nabwinga pano, kabili ne—ne cin’gwena calefumya amenshi mukanwa kaciko ukucita ubulwi pano na Cena.” Kabili atile, “Nomba ninshita imo ine iyo Nabwinga akeminina nge myaka umwanda umo na makumi yane na ine amakana” (lisambilisho lya Nte shalwar Yehovah) “pa Lupili lwa Sinai. Kabili pa nshita imo ine na Bwinga ninshi ali mu muulu.” Iyo, iyo, imwe mwaliluba.

<sup>38</sup> Kwaliba amabumba yatatu ayabantu. Mwamona, abo ba Yuda bakanwa, kabili kwali na nacisungu uwalele ulya amenshi. . . Lwena talwali Lubuto lwa mwanakashi, lwena lwali nibalya u Lubuto lwa mwanakashi icin’gwena calefwisa amenshi ukufuma mukwanwa kaciko. . . Ukusokolola 11. Kabili nomba, mucintuntulu, aba umwanda umo na makumi yane na iine amakana aba Yuda mu kupwililika tabali niba Nabwinga, bena nibalya abashelepo aba mu chalichi caba Yuda. Kabili lisambilisho lya Nte shakwa Yehovah elibabika bena nga Nabwinga, Ine nshilemona ico imwe mwingacitilamo ico, pantu cena te Nabwinga.

<sup>39</sup> Ngacakutila imwe kuti mwamona mulya mu Kusokolola, Cena catile, “Kabili bena niba nacisungu.” Kabili bena niba mutungwi. Kabili mutungwi aali ninani? Bena baali. . . ba Mutungwi baali niba malonda we tempele abalelonda namfumu, pantu bena baali. . . ba-. . . Bena baali bantu balya bapangile abashalefyala. Bena balikwete. . . Bushe mwacimona, atile, “Bena tabaikoweshe abenebeka palwabo nabanakashi”? Bena baali nibamutungwi we tempele. Kabili yena yaali ninambala yasalilwe iyo Lesa asalile ukufuma mu bantu abasalilwe aba Yuda. Nomba, ngacakuti imwe kuti mwamona. . . Ngacakutila ifwe kuti twakwata ico pakashita akanono, eico cena kuti capwisha ico mu mano yenu, apo imwe icinecine mwinga. . .

<sup>40</sup> Natubule Ukusokolola, chapitala 7, kabili twalasanga ukutila muno pano nomba, apo. . . ilyo Cena calanda. Cena cintu cisuma:

*Kabili panuma ya ici. . . Namwene ba malaika bane nabeminina pa fifutu ifya pe sonde, . . . (nomba, ici capusanako na Esekele 9, apo ena amwene ukonaulwa kwaba Yuda. Kabili pano ena amwene ukonaulwa kwa bena Fyalo, Ukusokolola, chapitala 7) . . . Kabili Namwene ba malaika bane nabeminina pa fifutu fine*

*ifye sonde, baikete imyela iine (imyela cilepilibula “ubulwi nokutintana”) . . . ukutila umwela taufwile ukupupa pe sonde, nangula pali bamba, . . . nangu pacimuti icili conse. (kabili ubo bulwi, “ukwikatilila”)*

<sup>41</sup> Oh, ngacakutila twacikwata inshita iyakuya mukushika muli ili lipusho. Ico cacitike. . . Apo epo Russel afulungenemo. Russel aseseme, pakumona ici cileisa. Ena aseseme atile “cena cili nokuba Uukwisa kwakwa Shikulu Yesu,” ukukana ishiba ukuti cena caali uku—ukukakatika ukwa Chalichi. Mwamona?

<sup>42</sup> Kabili bena basungwike ifyo ubulwi bwe sonde. . . Ubulwi bwe Sonde Ubwakubalilapo. Lolesheni, bwena bwalekele muli Cinshikubili pa lebeni, pa lebeni koloko mukasuba; mu mweshi wa lebeni, ubushiku bwa lebeni, ninshita ya lebeni. Kabili panuma yacilya, ulubatisho lwa mumenshi mwi Shina iyakwa Yesu lwalisokolweke kabili Ulubatisho lwa Mupashi wa Mushilo ku Chalichi. Bwino bwinofye, bwangu bwangu pa numa ya cilya.

<sup>43</sup> Nga cakutila imwe mwacitwala mulya mu Kusokolola, ifyo ifwe twacibikile Cena pamo, kabili pakati ka Nkulo yabena Philadelphia na bena Laodekeya. Kabili ba Methodisti bakwete Inkulo yabena Philadelphia, ukutemwa kwabu munyina. Kabili ne nkulo yakulekelesha, inkulo ya chalichi, yali Nkulo ya Laodekeya, iyo iyali inkulo yacifulefule. Kabili Alandile mulya, “Ine nimbika umwinshi (uwaisuka) kuli imwe.” Icibi icaisuka! Kabili ngacakutila mwasontelela kuli yalya Amalemo kunuma, cena kuti caikatanya ilya i Mbila yonse mulya mu cifulo cimo kulya, ukulangisha imwe ukuba cena bwino bwino fye.

<sup>44</sup> Moneni pano! Ifintu fyonse Taata, Mwana, Mupashi wa Mushilo, (ifyo ifyali nokwingila mulya mukulungatana na cena) ico icali mukupwililika isambilisho lyaba Katolika kabili talyatalile ukuba isambilisho lya bena Kristu. Iyo, mukwai. Inefye. . . Ifwe natukwata lyena pano pene, muno nshita yabushiku, ukwisa muli cena; pamo namashiwi, capamo. Mwamona? Ee, mukwai, kabili pamo nelyashi iyakale pamo. Takwatalile ukubako umuntu uwabatishiwe kwati nga filya muli Baibele, nangu tepa myaka yakubalilapo imyaka imyanda mutanda panuma ya Baibele. Kabili kuti Nashininkisha ico pamo pene ukupitila mwi sambilisho lyaba Katolika abene beka, ukutila bena ebatampile lyena, kabili ukulasonsa nokupongolola.

<sup>45</sup> Bena bafimine mulya nokwisa mu chalichi cakwa Welsley, kabili nokuya ku chalichi ca Methodisti, ba Methodisti bacisendele cena ukucitwala ku Baptisti, ba Baptisti bacitwele cena ukupita, kabili cena cabafye isambilisho ilya bufi! Kabili kuti twabwelamo muli Baibele nokushininkisha kuli imwe ukuti Baibele yalanda ukuti “iwe walikwata ishina ilya kuti iwe uuli no mweo, lelo iwe walifwa.” Ico cili bwino bwino icalungama. Kabili bena bakwete. . .

46 Ine kuti nashininkisha ukutila Baibele ya fundu ukuti bena bali nokubomfya i Shina Lyakwe mu lubatisho mpaka nokufika ku nkulo shafita, umwabela i—inkulo yalenga bune. . . iya—iya nkulo ya chalichi, Inkulo ya Chalichi ca Pergamo. Kabili Ena atile, mu, kabili munshita ilya iya myaka ya myanda fifitini iya nkulo shafita, umuntu onse atile, “Iwe ushelekofoye no lubuto ulunono, pantu iwe tawakana i Shina Lyandi.”

47 Lintu cena caisa kuli ilya nkulo kulya, inkulo ya Katolika, Atile, “Iwe naukwata ishina ilya kuli iwe uuli ‘no mweo,’ lelo iwe walifwa! Kabili walikana i Shina Lyandi.” Mwaumfwa imwe. Mwamona? Cena cikaka pamo icikope icikalamba icisuma capamo, Baibele yonse.

48 Nomba moneni ici:

. . . ukwikatilila imyela iine . . .

*Kabili Namwene malaika umbi aleika ukufuma mu Muulu nakwata ne cikakatikilo icakwa Lesa wamweo: . . . (Icikakatikilo)*

49 Nomba, icikakatikilo cakwa Lesa wa mweo nicinshi? Nomba, imwe mweba munyina ba Adventisti mwalalanda ukuti, “Musunge ubushiku bwe sabbata.” Ndefwaya imwe munangishe ico mu Malembo. Cena tacabamo mulya. Tamwabapo incende imo mulya iyacitilepo ico . . . yena—yena cikakatikilo . . .

50 Ngacakutila mwabelenga abena Efese 4:30, bwangu bwangu, imwe mwalasanga ifyo Icikakatikilo cakwa Lesa wamweo caba. Abena Efese 4:30 itila, “Mwikalifya Mupashi wa Mushilo wakwa Lesa kuli uyo imwe mwakakatikwako mpaka ubushiku bwaku lubulwa kwenu.” Tekufika kukupuputulwa ukwalakonkapo, lelo kwena kwali kwata ukucingililwa kwa Muyayaya (uh-huh). “Mwikalifya Mupashi wa Mushilo wakwa Lesa kuli uyo imwe mwakakatikwako mpaka ubushiku bwabu lubulo bwenu.” Moneni ngacakutila abena Efese 4:30 tayalanda ifyo, nomba imwe mubule ukubelenga kwenu ukunono nokukupisha kwena monse umwashala munshila ya Malembo mulya, nokufwailisha. Nomba, “Ukukakatikwa mpaka ukufika kubushiku bwepusukilo lyenu. Ukukwata icikakatikilo cakwa Lesa wa mweo.”

51 Nomba, ibukisheni, Mupashi wa Mushilo tafundilwe ngo Lubatisho lwa Mupashi wa Mushilo mpaka panuma ya Nkondo ye Sonde iya 1. Ifwe elyofye twasefeshe golden jubilee yesu—yesu, imyaka amakumi yane, nangu iyalenga imyaka amakumi yene iya jubilee.

*. . . kabili ena alandile ne shiwi ilikalamba kuli ba malaika bane, kuli abo cena capelwe ukonaula isonde nangu bema,*

*Atile, Mwionaula isonde nangu bema, nangu icimuti conse, mpaka ifwe twakakatika ababomfi . . . (nomba*

ukwisa kulipusho lyobe, “*abana*,” mwamona). . . *aba bomfi abakwa Lesa wesu pampumi shabo*. (mwionaula, mwionaula isonde, mwileka ibomba ilyamaka lipoleke, mwikwata icintu icapwililika mpaka *ababomfi* bakwa Lesa wesu bakakatikwa)

<sup>52</sup> Nomba, nga cakutila kuti twabwelela kunuma kulya nokupitulukamo kunuma kulya, ifyo cilya—cilya nangula pa *Kukupwa kwa Nkondo ye Sonde*, mu maka ya cibili, lintu uwabulwi Mukalamba Allenby alwishishe ukufika mpaka afika mumipaka ya Yerusalemu, kabili ena atumine lamya ku Mfumu yaku England, nokutila, “Ine nshilefwaya ukupika imfuti pamusumba, ukulola pali bu mushilo bwauko.” Ena atile, “Cinshi ico Nalacita?”

<sup>53</sup> Ena atile, “Pepa.”

<sup>54</sup> Kabili ena apupwike pamuulu wauko nakabili, kabili lintu bacitile, bena batile, “Allenby alaisa.” Kabili kwali aba kwa Mohammed mulya, batontonkenye ukuti ena atile, “Allah alaisa.” Kabili bena baninike ulunga lwabuta nokucimba Allenby aendele mu Yerusalemu nokubula wena ukwabula ukulishamo imfuti, umwabela ubusesemo, ico nacilungama, nokuupela ukubwesha kuba Yuda.

<sup>55</sup> Nomba bena baimishe Hitler ukupakasa aba Yuda, nokushinguluka konse mwi sonde, nokubabutusha ukubwekelamo mulya.

<sup>56</sup> Kabili Baibele yatila Ena ali “nokubabweshwa pa mapindo yakwa kapumpe.” Kabili lintu batampile ukubwela. . . Ba *Life Magazine* nabena balemele ico imilungu iinono iyapitapo, umo bena bababweshe mu makana, mu Yerusalemu, kabili bena basendele bonse balya abakalamba ukubafumya munuma shabo. Bena bali bepwishe. Nalikwata fyonse ifyo pali filimu napa fikope. Kabili ena atile. . . Ilya ni mendela iyakwa Davidi iya ntanda shine, iilepupa palya; imembela iya kale nganshi mwi sonde, umuku wakubalilapo yena yalipupa pamyaka amakana yabili.

<sup>57</sup> Yesu atile, “Lintu icimuti ca mukunyu cabalula, ino nkulo taili nokupita.”

<sup>58</sup> Kabili pano bena baleingisha bena abakalamba mukati, nokutila, “Cinshi? Bushe mulebwelela kuno ukwisa fwila mu calo cenu?”

<sup>59</sup> Batile, “Iyo, ifwe twaisa mukumona Messiya.”

<sup>60</sup> Kabili, munyina, Ndekweba ifwe tuli pa mwinshi! Balya palya babomfi, bena balya balelolola kulya bushilya. Teili ili bumba lya ba Yuda ilinga mibepa ukufuma mu meno yenu ayakubikapo nga cakutila bengacita, uyo temu Yuda untu Ena alelandapo. Lelo ni balya bonse abali kulya kwi shilya abo

abasunga a—amalango ne fintu, kabili abashatala ishiba ukuti kwali Messiya.

<sup>61</sup> Kabili Munyina...ku Stockholm, Munyina Petrus, abatumine bena ama milioni ya Fipangano Fipya, kabili lintu bafipokelele balebelenga. Bena batile, “Ukuba, nga cakutila uyu aba ni Messiya, lekeni tumumone ena ukucita icishibilo cakwa kasesema, kabili ifwe twalamucetekela.”

<sup>62</sup> We cakwimya we icabupyungishi bwandi! Ine nali muli ba ora babili aba pa mpongolo sha mu Yerusalemu, ukwingila mukati, kabili Nali ku Cairo, mu Egypto. Kabili Naleywa ndeenda mulya, kabili Mupashi wa Mushilo atile, “Wiya nomba.”

<sup>63</sup> Natontonkenye ukutila, “Ine nale ingililamofye. Itiketi lyandi Nalishitwa, Ine ndi pamusebo. Kuli umuntu kulya uulefwaya uku nkumanya, ibumba lyonse, ama sukulu nafimbipo.”

<sup>64</sup> Naendele ukuyako pantanshi panono, kabili u Mupashi watile, “Iwe wiya! Iwe wiesha ukuya.”

<sup>65</sup> Nabwelelemo kuli ulya umwiminishi wama tiketi, Natile, “Ine nakansa ili itiketi. Ndefwaya ukuya kulya ku Athens, mu Greece, ku Mars Hill.

<sup>66</sup> Kabili ena atile, “Ukuba, itiketi lyobe lyakuya ku Yerusalemu, mukwai.”

<sup>67</sup> Natile, “Ndefwaya ukuya ku Athens mucifulo cakuya ku Yerusalemu.” Mupashi wa Mushilo alelelela, inshita ilya tailati ifikefye. Ico tacilifye icalungama.

<sup>68</sup> Moneni:

*...ukukakatike ababomfi bakwa Lesa wesu pa mpumi shabo,*

*Atile, Mwionaula isonde...mpaka ifwe... tukakatike ababomfi abakwa Lesa wesu pa mpumi shabo. (umuntu onse alishiba ukutila cilya cilya e Cikapatikilo ica Mupashi wa Mushilo; moneni)*

*Kabili Naumfwile impendwa ya balya bonse abakakatikwe... (nomba, nga cakutila bena tabali aba Yuda, moneni ici) ...kabili kwali abakakatikwe u mwanda umo na makumiyane na bane amakana ya mitundu yonse iyabana bakwa Israeli. (tamufwile ukuba umwina Fyalo muli bena. Ico ecapanshita ya mukulekelesha)*

<sup>69</sup> Moneni! Umukowa wakwa Yuda, amakana ikumi na babili; umukowa wakwa Rubene, amakana ikumi na babili; kabili nokuya pesamba, Gadi, amakana ikumi na babili; Naftali, na—na—na bonse munshila ukufika kuli Aser, na—na Zabuloni, kabili na bonse aba mu mikowa ikumi na ibili abakwa Israeli. Kabili twelufu ukutamusha na twelufu ni cinshi? Umwanda

umo namakumi yane na bane amakana. Balya ebali umwanda umo namakumi yane na bane amakana, aba Yuda! Tebena Fyalo, aba Yuda! Ico te cintu icakucita pamo nana Bwinga. Eico Inte shakwa Yehovah shaliluba mwi sambililoshu lyabo. Baibele Palwalala itila ukuti bena ba “Yuda,” kabili tebena Fyalo. Bena babomfi bakwa Lesa, kabili abena Fyalo tabatala aba tontonkanishiwapo ukuba ababomfi. Ifwe tuli bana baume na bana banakashi, tatuli babomfi.

<sup>70</sup> Nomba belengeni conse icashalako ica Ico. Kwati ngo muntu uwalelya icibilika, atile, “Cena naciwama, lelo natukwateko nayambi ukucilapo.” Nacilungama, Lesa alikwata ifingi ifya Yena pano. Nomba, moneni fye. Nomba, nomba ifwe twafika pa versi 8:

*Kabili mu mukowa wakwa Zabuloni...kakatika amakana ikumi limo na babili. Imikowa yonse iyakwa Yosefe yalikakatikwe amakana ikumi na babili. Aba mu mukowa wakwa Benjamini mwa katikwe amakana ikumi na babili.*

<sup>71</sup> Mwamona, Yohane, ukuba umu Yuda, aishibe onse pali bena, amwene imikowa ikumi na babili iyakwa Israeli; amakana ikumi na babili ukufuma muli cila mukowa, twelufu uku tamusha na twelufu ukupanga amakana umwanda umo namakumi yane na bane. Ebonse balya, te Chalichi, lelo ba Yuda. Baibele nailanda pano ukutula, bonse bali “abana bakwa Israeli,” umukowa onse naulandwa ishina.

<sup>72</sup> Nomba moneni, versi 9:

*Panuma ya ici (nomba pano elyo kwaisa Nabwinga)...*

*Panuma ya iii Namwene,...moneni, ibumba ilikalamba, ilyo umuntu nangu umo tenga penda,...*

<sup>73</sup> Lilya e tempele lyenu ba mutungwi, bena balifye amakana umwanda umo namakumi yane na bane, libumbafye ilinono, libumbafye ilinono ilyaba kalonda we temple ilyo ilili nokuba pamo na Nabwinga; Benafye—Benafye inshindishi shakwe. Abo bena ebamakana umwanda umo namakumi yane na bane enshindishi ishakwa Nabwinga; ba mutungwi bamwi tempele.

<sup>74</sup> Moneni! Ifyo fine, Ninjishiba imwe bwelelenimo pano pa versi 14, nokutula, “Mulandu nshi, bena balebela pamo na Nabwinga konse uko bali...” Icapwililika! Ba muntungwi bendela pamo nana mfumu konse uko aleya. Icine cine! Lelo bena bali cinshi? bena tabali icintu nangu cimo lelo inshindishi, kabili ifyo fine eflyo bwino bwino fye Amalembo yalanda ico ukuba pano.

<sup>75</sup> Moneni:

*Kabili panuma ya ici...kabili, moneni, ibumba ilikalamba, ilyo umuntu nangu umo teti appende, ifyalo*

*fyonse, . . . aba mumikowa, . . . abantu, ne ndimi . . . (uyo e Nabwinga wenu mwe bena Fyalo uuleisa, nacilungama) . . . aba baiminine . . . ku cinso ca mwana wa Mpaanga, (ulyae e Mupusushi, umwana wa Mpaanga, te malango; umwana wa Mpaanga, Ukusenamina) . . . nafwala imwingila buuta, . . . (moneni, mu ma mineti ayanono, moneni nga cakutila mingila iya buuta te bulungami ubwa washila) . . . ne shamalumbo mu maboko yabo;*

*Kabili bena babilikishe ne shiwi ilikalamba, . . . (nga cakutila ici tacili kupuputulwa kwa Pentecosti, Ine nshatala umfwapo umo) . . . alelanda, Ipusukilo kuli Lesa wesu uyo uwaikala pa cipuna ca bufumu, kabili ukulola ku mwana wa Mpaanga.*

*Kabili naba malaika bonse baiminine ukushinguluka icipuna ca bufumu, kabili na bakalamba ne fya mu eo fine, . . . fyaponene pali . . . kufinso ica cipuna ica bufumu pa finso fyabo, kabili bapepele Lesa,*

*Baletila, Ameni: Amapalo, . . . ubukata, . . . amano, . . . ukutotela, . . . ukucindikwa, . . . uwamaka, amaka, yabe kuli Lesa wesu umuyayaya no muyayaya. Ameni.*

<sup>76</sup> Ico cileumfwika kwati ni nshita iya kukumana iyamunkambi, tefyo? Ali nokuba! Uyo ali ninani? Abamakana umwanda umo namakumi yane na bane? Teifyo! Iyi nambala ikalamba iyo umuntu nangu umo . . . uwa mu mikowa, indimi, ne fyalo. Bushe tekuti mumone, we mutemwikwa cibusa wandi?

<sup>77</sup> Nomba mona, belenga fye Ico. Nomba:

*Kabili naumo pabakalamba aaswike, nokulanda kuli ine, Aba nibanani kabili . . . abo abafwele imingila ya buuta? kabili nikwisa uko bafuma bena?*

<sup>78</sup> Umukalamba atile kuli Yohane, uyo uwali umu Yuda uwaishibe aba makana umwanda umo amakumi yane na bane, atile, “Nomba, iwe walibeshiba, bena bonse aba Yuda. Lelo aba nibanani? Nikwisa uko bafumine?” Moneni ico mukalamba alandile? “Umo umubakalamba pali bena atile,” (abo ebakalamba kuntanishi ya Cipuna ca bufumu) “ine na aswike, natile, Inga aba nibanani abafwele imingila ya buuta? Kabili nikwisa bena bafumine? Nomba, ifwe bonse twalishiba aba Yuda ne cipangano cabo na fimbipo, lelo ni lilali lintu aba baishile?” Nomba moneni:

*Kabili Natile kuli ena, Mukwai, imwe namwishiba. (“Ine—Ine—Ine nshishibe,” Yohane atile, “cena nacimpita ine. Nshishibe.”) Kabili atile kuli ine, Aba nibalya abafumine mukucula ukuklamba, (“Ukupita mukweshiwa nefingi ifi ifyamasanso, amacushi nefiteyo, Ine nalisa kale.” Mwamona?) . . . aba bantu bafumine mubucushi bukalamba, kabili balisamba*

*imingila yabo, . . . (mu chalichi? Bushe ico caumfwika icalungama?) . . . abasamba imingila yabo, nokuipanga yena iya buuta mu mulopa wa mwana wa Mpaanga.*

*. . . bena baba kuntanshi ya cipuna icabufumu icakwa Lesa, nokula mubombela Ena akasuba nobushiku . . . (nani uubombela ine mu ng'anda? Mukashi wandi. Bushe ico nacilungama?) . . . kabili namwi tempele Lyakwe: . . . (ulya e wikala na ine mu ng'anda yandi kabili mu bwikashi bwandi, mukashi wandi. Ena eumo uwikala pamo naine, nokuwasha ifyakufwala fyandi, nokusunga ifintu ifyapekanishiwa kuli ine) . . . kabili ena uyo uwaikala pa cipuna ca bufumu ali nokwikala pakati kabo. (Oh, owe, kutikeni!)*

*Kabili bena tabakakwate insala naimbi, . . . (balemoneka kwati tabakwete icakulya icalepelwa) . . . nangula bena ukukwata icilaka nakabili; nangula akasuba ukubalika pali bena takwakabe, nangula icikabilila conse.*

*Pantu umwana wa Mpaanga uyo uuli pakati ka cipuna ca bufumu ali nokubalisha bena, kabili ali noku batungulula bena mukafukauka ka muweo aka menshi: kabili Lesa akafuta . . . ifilamba fyonse ukufuma pa menso yabo. (Euyo ena, uyo e Nabwinga wenu)*

<sup>79</sup> Abo ebamakana umwanda umo namakumi yane na bane, abo ebabomfi benu. Eico “abana aba mu Bufumu” pano, we muntu umutemwikwa uyo uwaipwishe ili ilipusho, lyena lili . . . ninani waipwishe ili ilipusho ilyafikapo. Ndetontontokanya ukuti Ine limbi nashile lyena kuno kunuma pano mu . . . pa ncende pamo, lelo “lintu bena bakaposwa kunse,” tacilepilibula ukutila bena bakaposwa kunse ya mano yakwa Lesa. Bena kuposwa ukufuma mufya bunonshi fya mupashi pakashita. Mwamona, pakashitafye akanono.

<sup>80</sup> Pantu, lintu kasesema amwene Israeli muli ubu ubushiku ukutila ena ali nokuba, ena atile, “Ukuba, bushe Israeli akabapo lintu i Sabata likasendwa ukufumishiwapo, kabili—kabili bena balashitisha pe Sabata cimo cine ngo bushiku ubuli bonse, kabili nafyonse ifi ifintu?” Ena atile, “Ukuba, bushe Iwe—bushe Iwe walitala . . . Bushe Israeli ali nokuba uwalabwako mukupwililika?”

<sup>81</sup> Ena atile, “Mwasumbuka shani mu muulu? Isonde lyashika shani? Pima cena pamo nenkonto iyo iilambalele kucinso cobe.”

Ena atile, “Ine tekuti!”

<sup>82</sup> Ena atile, “Nangula bushe Ine ukuti natala ukulaba Israeli.” Icine cine iyo! Israeli takatale alabwa.

<sup>83</sup> Eico, mwamona, *ukutwalilila kwa nshita nomuyayaya* fintu fibili ifyapusana. Israeli atamfiwe ukufuma, lelo tekufuma mu



mano yakwa Lesa. Kabili Paulo alelanda ico pano, nga cakutila Ine nakwete i . . . nakwete inshita iyakubelenga, eico Ine bwangu bwangu kuti nabula Amalembo ayo . . . Ine ninga sontelelako kuli yena kuli imwe, mwamona, ico ecaisa mu mano yandi.

<sup>84</sup> Paulo alelanda kulya, alandile ukutila kuli ifwe fwebena Fyalo ukuba abacenjela, inshila intu twendelamo nefyo tucita. Mwamona? Ifyo fine nga cakutila Lesa tasungile umusambo wakubalilapo, mwamona, kabili ifwe twabafye abaingishiwamo mukati, mwamona, . . . Kabili Israeli, uwali impofu pakashita fye, atile. Pakashita fye, Israeli ali impofu. Ico nacilungama, lelo icifimbo cili nokufimbulwa ukufuma pa menso yabo. Kabili ilyo e lintu mwina Fyalo wakushalikisha akafyalwa mu Bufumu bwakwa Lesa, nomba icifimbo cabo cikasumbulwa ukufuma pa menso yakwa Israeli. Kabili bena bakatila, “Uyu e Messiya Untu ifwe twalefwaya ukumona.” Ico nacilungama, lelo icibi cabena Fyalo ninshi nacasalwa (ubwato na—nabwisalwa), palya tapali nakabili—tapali nakabili ukusenamina ukushelepo ku bena Fyalo pali ilya nshita.

<sup>85</sup> Nomba, Nasenda inshita iikalamba pe lipusho limo. Kabili umuntu umo aletila, “Nomba tamulafika pa lyandi.” Ukuba, twala angufyanya tumone nga cakutila kuti twafika pali lyena.

<sup>86</sup> Nacilungama, pano epa—epali ilitali limo. Nalyonse pali lyena mwanakashi ewipwishe nangu umwaume ewipwishe, nangu onse untu cingaba ico, cili icalungama.

**53. Bushe tacili icacine ukuti Shikulu Yesu tafwilile isonde lyonse, icilepilibula umuntu onse mwi sonde, lelo ukucila . . .** (Nomba, Ine nalalondolola ico, lelo ena . . . ena umwaume nangu umwanakashi, onse untu ali . . . Cilemoneka kwati kulemba kwa mwanakashi) . . . **lelo ukucila pali ifi—ukucila pali ifi monse muncende sha pe sonde, onse untu Taata amupele Ena? Bonse abo abaliko nelyo umufula we sonde taulabako, Lesa abalashikile ku Mweo wa Muyayaya, pakuba uwabasala bena umwabela ukufwaya kusuma u Kwakwe Kwine?**

<sup>87</sup> Mucapwililika, ico nacilungama! bwino bwino. Yesu afwilile pa . . . tafwilile ku . . . Ena aba uwakabila.

<sup>88</sup> Leken i tumone, Ine nincetekela u . . . Ine—Ine nincetekela bena balabelenga . . . ilipusho lyaisa ukulola pali ici:

**54. Amalembo ukwabula ukutwishika yaletweba ukuti aba ebalya abashakabe—nyabo abashaka pusuke. Eico . . .**

<sup>89</sup> Ico nacilungama bwino. Amalembo Yaletweba ukuti kwaliba abantu abo abalashikilwe libela kuli Lesa ku kusekwa.

<sup>90</sup> Bushe kuti mwafwaya ukubelenga ico, eico cena cili nokuba lyonse icafuma mu mano yenu? Nacilungama, natupilibule nomba mwi Buuku ilya—ilyakwa Judi, Judi alelanda pano.

*Judi, umubomfi wakwa Yesu Kristu, mu nyina wakwa Yakobo, kuli bonse abo abashishiwa na Lesa Taata, kabili abalamwa muli Yesu Kristu, kabili abaitwa:*

<sup>91</sup> Moneni untu ena alelandako Ico? Tekumubembu tekumulimo wakusabankanyafye weka iyo, lelo niku bashishiwa nokwitwa. Mwamona, abo ababa kale mu Bufumu.

*Uluse lube kuli imwe, no mutende, nokutemwa, fibe ifyafulilako.*

*Mwe batemwikwa, . . . Na pela konse ukusakamana pa kulemba kuli imwe pe pusukilo lyaseka, cena cali icakabilwa kuli ine ukulembela kuli imwe, kabili ku kukoselesha imwe. . . ukutila imwe mwaba abacishinka ukulwilako icicetekelo ico panshita imo capelwe ku bashila.*

*Pantu kwaliba abantu bamo abasokelelamo ukwabula ukwishiba, abo ku nshita yakale balashikwe kuli ukukusekwa, . . . (mumusango nshi?) . . . ukupilibula ukusenamina kwa kwa Lesa wesu mukafindwe, . . .*

<sup>92</sup> Abalashikwe ku kale! Ukutila Lesa aikele pa cipuna ca bufumu, nokutila, “Ndi nokupususha *uyu* muntu, Ndi nokulusa *ulya* muntu.” Ifyo tefyo cali cena! Lesa afwile, kabili lintu Yesu afwile, icikonsolwelo cakupile pe sonde lyonse pa muntu onse. Lelo Lesa, kukwishibila libela. . . Teici icakutila Ena aali. . . Ena tali uwakabila ukutila onse engonaika. Alefwaya umuntu onse ukupusuka. Ubo ebwali Ubwakwe—ubo ebwali ubukabilo Bwakwe ubwa Muyayaya. Lelo ngacakutila Ena aali ni Lesa, Ena uyo uwali kabili uyo ushali nokupusuka. Ngacakutila Ena taishibe, nomba ninshi Ena taali ni Lesa uwaba konse konse. Eico Baibele ifundisha ifyo. Ukutila ifwe tufwile. . .

<sup>93</sup> Ngacakutila twacikwata inshita iya kwisula muno mu bena Roma, chapitala 8, kabili ngamwa cibelenga ico. Abena Roma, chapitala 9, nencende shimbi muli Baibele. Abena Efese, chapitala 1. Kabili imwe kuti mwamona ukuti ukusala kwakwa Lesa, kwena ku leminina ukwa cine, Lesa apele icipangano ukwabula ukufwayapo fimo. Ena atumine Yesu ukwisa fwila bonse abo Ena aishibile libela. Mwamona?

<sup>94</sup> Tekulanda fye ukutila, “Ukuba, iwe ulelanda ukuti Lesa taishiba ngacakuti ena aali nokupusuka nangu iyo?” Lesa aalishiba ukutila iwe uuli nokupusuka, nangu iwe tauli nokupusuka nangu iyo, ilyo isonde talilabako, nangu Ena ninshi tali ni Lesa.

<sup>95</sup> Bushe iwe walishiba ishiwi ukusangwa *konsekonse* lipilibula? Lolesha mu. . . Lolesha muli dikishonale nokufwailisha ifyo ishiwi ukusangwa *konsekonse* lipilibula. Mulandu nshi, Ena aishibe impantila yonse ukutila ikaba pe sonde, lunshi onse, amaundu yonse, akashishi kabuwele konse.

Ena aishibe ilyo tafilabapo, nangu ngateifyo Ena ni Lesa. Icine cine, Ena alifishibe ifyo. Nachilungama.

<sup>96</sup> Nomba, mulya, Lesa talandile—tatile, “Ndi nokukubula *iwe*, nokukutuma ku mbo; kabili Ndi nokubula *naiwe*, nokukutuma ku Muulu.” Lesa alefwaya imwe babili ukuya ku Muulu. Lelo ukupitila mukwishibila libela Alishibe ukuti umo akaba uwa mwenso, naumbi akaba shimucindikwa kabili umwina Kristu. Mwamona? Eico Ena atumine Yesu ukwisafwa, ukupususha ulya muntu untu Aishibile libela ulya uwalefwaya ukupusuka. Mwacumfwa ico?

Nomba lolesheni kuno:

**Amalemba yalatweba mukutwishika ifwe ukuti aba ebalya abashakapusuke.**

**55. Eico ngacakutila icikonsolwelo cafimbile ponse pa... onse umutundu wakwa Adamu, kabili nabamo balilubile pantu taipele pakwabo ku bulayo, nangu ku cabikilwe, tabali no... ifwe tufwile-... bushe ena... kuti aba... uwamaka ayacilapo ukucila ubutantiko bwa Muyayaya no bukabilo ubwakwa Lesa wa Maka yonse? Bushe kuti caba... (Umuntu uyu nomba, pali ili lipusho lya bubili, liletila ena.) Bushe umuntu tekuti mubufwayo bwakwe abe uwa maka ukucilapo pa butantiko bwa Muyayaya nobukabilo ubwakwa Lesa wa Maka yonse?**

<sup>97</sup> Iyo, munyina wandi nangu nkashi. Icine cine teifyo! Takwaba nangu cimo icamaka yacilapo... Ubufwayo bwa muntu tekuti bupashanishiwe pamo no—no bukabilo bwa Muyayaya ubwa bupingushi bwakwa Lesa. Cena tekuti cibe, mwamona.

<sup>98</sup> Nomba, ilipusho lyobe ilya kubalilapo lyaciba ilyalungana. Ilipusho lyobe ilya cibili lyena talyaciba ifyo, cibusa. Pantu lolesha, lolesha mu nshila lyena lilembelwemo pano, wamona: “Bushe ubufwayo bwa muntu tekuti bube ubwa maka yacilapo ukucila pa butantiko bwa Muyayaya no kukabila kwakwa Lesa uwa Maka yonse?” Mulandu nshi, icine cine iyo. Bushe kuti caba shani ubukabilo bwa muntu ukuba ubwa maka yacilapo ukucila ubukabilo bwabwa Lesa wa Maka yonse? Kabili umuntu mu mano ya bumubili bwakwe ubwa mibele yakufwaya ico alefwaya, ukuba icamaka ya cilapo ukucila ico alefwaya, ukuba icamaka yacilapo ukucila uwa Muyayaya, Lesa uwapwililika engaba? Icine cine iyo! Cena tacali ifyo, mwamona. Lesa uwa Muyayaya, Uyo ukukabila kwakwe kwaba ukwapwililika, nimunshila nshi iwe wingalandilamo ico we—we muntu wa bumubili pano tuli, te mulandu nefyofye (kabili nefyo ena engaba), ubukabilo bwakwe tekuti munshila ili yonse bupashanishiwe pamo neci: u—ubukabilo bwa Muyayaya kabili na Lesa uwa Maka yonse.

<sup>99</sup> [Nkashi alanda kuli Munyina Branham—Kale.] Ee. [“Munjeleleko. Nacilafwayafye ukwipusha ilipusho, kabili—kabili imwe tamumfwikishe ico Ndepilibula palya.”] Ee, nacilungama, nkashi. [“Nshacetekela muli ico nakalya, Ine nalepilibula ubukabilo bwa Muyayaya ubwakwa ‘Les’a’ ubuletungulula ubu fwayo bwa muntu.”]

<sup>100</sup> Ico nacilungama. Oh, ukuba, Ine—Ine nimbelenga ico mukuluba nomba, mwamona. Nacilungama. Ee, iwe naulungika bwino bwino nomba line, nkashi. Ine nshacishiba ukuti lyena lipusho lyobe—lyobe. Nacilungama. Lelo, mwamona, apo Ine nacinangile cena pano, mwamona, . . . Nomba lekeni ine mone, “Ukufimba pa mutundu onse uwakwa Adamu, kabili nabamo balilubile pantu tabailangile abene palwabo—palwabo palifyo ifyabikilwe, bushe tekuti ubufwayo bwa muntu bwaba ubwa maka yacilapo ukucila ubutantiko bwa Muyayaya kabili nobukabilo ubwakwa Lesa wa Maka yonse?” Mwamona, Ine—Ine nshapilibwile itontonkanyo lyobe kulya. Ee, ubukabilo ubwa Muyayaya ubwakwa Lesa wa Maka yonse. Ukuba, ico capwisha cena.

<sup>101</sup> Ndetunganya umuntu onse nakutuluka ico. Naimwe namucita, imyeniko amaboko yenu. Cena—cena bukabilo bwa Muyayaya ubwa kwa Lesa wa Maka yonse, afwile icine cine ukuba uwacilapo apatali—apatali ukucila ico umuntu engacita.

Nomba:

**56. Ine nshakutuluka pa lubuto mulubatisho lwa mumenshi, mu chapitala 28 iya. . . versi 19, iyakwa Mateo. Bushe ici cipilibula cinshi?**

<sup>102</sup> Ukuba, nomba limbi cena tekuti cinsendele ine lelo kulolelelako fye pakashita akanono. Kabili kube umuntu umo uwakupilibula pamo na ine ngacakutula imwe kuti mwacita ico, muli Mateo, chapitala 28, ne versi lya 19. Kabili twalasanga bwino, untu uyu muntu ali. . . amakumi yabili—nafisano. . . Nomba, Ici calamulenga imwe ukuba abakosa ngacakutula imwe mwaikala pamo na Cena. Cena—Cena cisuma, mwamona imwe. Cena tacili icakusabankanya, lelo Cena cili. . .

<sup>103</sup> Nomba ifwe tuli. . . Nomba pano epo abantu beshiba ukulanda ukuti, “Palibapo icakulwisha muli Baibele.” Nomba, Ndefwaya umuntu umo apilibule pamo muli. . . Mateo 28:19. Nangu, iyo, Ndefwaya umuntu umo. . . Mateo 28:19. Ndefwaya umuntu umo ukupilibula ku Milimo ya batumwa 2:38. Imwe namukwata ama Baibele yenu uko, Munyina Neville?

<sup>104</sup> Kabili Ndefwaya mwibelengele mwebene palwenu nomba. “Kabili Nalamilangisha icakulwisha icaiminina muli Baibele. Kabili ifyo—ifyo Baibele. . . Abantu batila ‘Baibele tailwisha Palwaiko,’ Ine ndefwaya imwe mutontonkanyepo pali ici.”

<sup>105</sup> Kabili ici cilenga ba professa ukukwata imfwi. Lelo Cena—Cena cintu caanguka. Nomba Nalabelenga Mateo 28:19, imwe

munkonke ine. Kabili imwe bamo pamo mu Milimo ya batumwa 2:38, mubelenge. Nalatampila pa versi 18, iyi echapitala yakwisalila iyakwa Mateo:

*Kabili Yesu aishile nokulanda ku basa...bakwe ukulanda kuli bena, Yonse amaka nayapelwa kuli ine mu muulu nape sonde. (nikwisa ukuli amaka yakwa Wishi?)*

<sup>106</sup> Ngacakutula amaka yonse mu Muulu na pesonde nayapelwa kuli Yesu, Lesa ninshi aali uwabula amaka nomba, tefyo Ena? Nangu bushe Ena alandilefye ilyashi? Bushe Alendafye ifyamusamwe? Ena aali cipilibwile Cena! Bushe imwe tamucetekele ukuti Ena alicipilibwile Ico? Ukuba, ngacakutula yonse amaka yapelwe kuli Ena, nikwisa ukwali amaka yakwa Lesa kulya nomba? Ena ni Lesa! Ico nacilingana. Ico ecintu fye cimo ica lipo kuli ico. Ico ecintu fye conse icalipo. Mwamona, Ena aali ni Lesa; nangu limbi kwaliko umuntu umo uwaikela palya, uyo uwakwete amaka yamo, kabili tayakwete nakabili. Mwamona? Eico imwe tekuti—imwe tekuti mifulunganye Cena. Ifwe twalakwata ico bwino pacintu cimo cine pano. Nacilungama:

*...Yonse amaka mu muulu napesonde na...mu muulu na pesonde.*

*Kabiyeni imwe nomba...ukufunda ifyalo fyonse, ukulababatisha bena mwi shina lya kwa Taata, nelya Mwana, nelya Mupashi wa Mushilo:*

*Ukubafundisha bena ukulamona ifintu fyonse na fyonse ifyo Namwebele imwe:... moneni, Nakulaba pamo naimwe lyonse, nangufye ku mpela ye sonde.*

<sup>107</sup> Imilimo ya batumwa 2:38, nomba umo abelenge. Loleni pakashita akanono. Imilimo, chapitala 2, versi 38. Nomba, kutikisheni mumfwikishe nomba, kabili mubefye abatekanya, kabili twalamona nomba. Nomba, buno bushiku bwalenga ikumi kuntashi Yesu abebele bena nomba, Mateo 28:19, “Kabiyeni eico, ukufundisha ifyalo fyonse, ukulababatishisha bwana mwi shina lyakwa Taata, ilya Mwana, nelya Mupashi wa Mushilo.”

<sup>108</sup> Nomba, Petro, inshiku ku ntanshi...Bena tabashimikile isambililo limbi. Bena baile pamuputule wapa muulu uwa Yerusalemu, nokulolela mulya (pa nshiku ikumi) pakuti Mupashi wa Mushilo waisa. Nibanga abeshibe ico? Muli ici cintu. Pano pali Petro, Petro nakwata imfungulo sha Bufumu. Nacilungama, twamona ico acitile. Mateo, nangu Ndepilibula Imilimo 2, natubule versi 36:

*Eico lekeni bonse aba n’ganda yakwa Israeli beshibe icine cine, ukutula Lesa alipanga uyu umo wine Yesu, untu...mwatanike, fyonse fibili Shikulu kabili Kristu.*

“Fyonse fibili Shikulu kabili Kristu.” Tecakusungusha emululandu wine amaka yonse mu myuulu nape sonde yapelwe kuli Ena.

*Nomba lintu bena baumfwile ici, bena balashilwe mu mitima yabo, nokutila kuli Petro na . . . kuli bonse abatumba, ku Baume naba bwananyina, cinshi ico ifwe twalacita?*

*Petro aaswike . . . Petro atile kuli bena, Lapileni, onse uwapali imwe, nokubatishiwa mwi shina lya kwa Yesu Kristu kukulekelelwa imembu, kabili muli nokupokelela ica bupe ica Mupashi wa Mushilo.*

<sup>109</sup> Nomba, palipo icakulwisha, Mateo atile, “Batisheni mwi Shina lyakwa Taata, Mwana, na Mupashi wa Mushilo,” na Petro atile mu Milimo 2:38, inshiku ikumi limo ku ntashi, “Lapileni, noku batishiwa mwi Shina lyakwa Yesu Kristu.”

<sup>110</sup> Nomba ukulapila ukwa konkelepo kwalandilwe—kwalandilwepo, nangu, ulubatisho, lwaba muli Baibele, cena ni mu Milimo ya Batumba mu—mu chapitala 8, lintu Filipino aile nokushimikila ku . . . ku—kubena Samaliya. Kabili bena balipokelele u Mupashi wa Mushilo, kabili ba batishiwe mwi Shina lyakwa Yesu Kristu.

<sup>111</sup> Umuku wakonkelepo ilyo cena calandilwepo cali lintu abena fyalo bapokelele Wena, mu Milimo ya Batumba 10:49:

*Kabili ilyo Petro . . . alandile aya amashiwi, moneni, u Mupashi wa Mushilo waponene pali . . . bena . . . kabili bena baumfwile.*

*Pantu bena babomfwile balelandila mu ndimi, noku kusha Lesa. Nomba Petro atile,*

*Bushe umuntu kuti alesha amenshi, ukumona ukutila aba . . . naba pokelela u Mupashi wa Mushilo nga fintu ifwe twacitile pakutendeka?*

*Kabili ena abebele ukubatishiwa mwi shina lyakwa Shikulu Yesu Kristu.*

<sup>112</sup> Nomba lekeni nkwatepo icintu cimo pano, ukumilangisha fye imwe icintu cimo icinono pakutila imwe tamucilabile cena; nalapanga icakulangisha icinono. Nalabika . . . Ninkulo shinga- . . . isha bantu ishabamo mwi sonde? Mwaba shitatu: Hamu, Shemu, na bantu bakwa Yafeti. Nibanga abaishiba ico? Ifwe twafuma kuli balya abana abaume batatu abakwa Noah. Abantu bakwa Hamu, abantu bakwa Shemu . . . abantu bakwa Yafeti eba Anglo-Saxon, abantu bakwa Shemu eba . . . Inkulo shitatu, isho: ba Yuda, abena Fyalo, na hafu waba Yuda na bena Fyalo. Nomba, moneni, lintu balya kulya . . . kabili *noyu* ni Hamu . . . Shemu, Hamu, na Yafeti.

<sup>113</sup> Nomba, umuku wakubalilapo ilyo ulubatisho lwatalile alulandwapo, lwalandilwepo na Yohane Kabatisha. Nibanga

abeshibe ico ukuba icine? Nacilungama, Ine nalacibika *cena* pano pene, ukukwine kuntanshi pano, Yohane Kabatisha. Kabili Yohane abatishe abantu mu mumana wa Yorodani, ukubeba bena ukutila bafwile ukulapila nokuba abalungama pamo na Lesa, no kushitisha ifipe fyabo, no kulisha ababusu, nabashilika ukuba abasekelamo pamo nempiya shabo, kabili nokuba abalungama pamo na Lesa. Nibanga abaishiba ico? Kabili ena aba batishe mu mumana wa Yorodani, tekubasansa bena amenshi, tekuba pongolwela bena amenshi, lelo abebishe mu menshi! Nga cakutila iwe taucetekele Ico, ino e dikishonale, fwailisheni nga cakutila cena tacili *lubatisho*, ico icili “kubatisha, kwingisha mu menshi, ukubika pe samba, nokushiika.” Nomba, umuku wakubalilapo untu ulubatisho lwatalile ukulandwapo, cali ni kulya.

<sup>114</sup> Umuku wa cibili ulubatisho lwatalile ukulandwapo, lintu Yesu asuminishe ico, Mateo 28:19.

<sup>115</sup> Umuku wakonkelepo ilyo ulubatisho lwalandilwepo, cali ni mu Milimo ya Batumwa 2:38.

<sup>116</sup> Umuku umbi ilyo ulubatisho lwalandilwepo, cali mu chapitala 8 uwamu Milimo ya Batumwa.

<sup>117</sup> Umuku umbi ilyo ulubatisho lwalandilwepo, cali nimu—mu chapitala 10 uwa mu Milimo ya Batumwa.

<sup>118</sup> Kabili nomba ifwe tulfuma munshita apo Yesu atile, pano, “Imwe kabiyeni, nokufundisha mu fyalo fyonse, nokula batisha bena mwi Shina lyakwa Taata, nelya Mwana, na Mupashi wa Mushilo.”

<sup>119</sup> Nomba natulungamike ili Ilembo bwino, mukubalilapo. Ine nimyeba ukuti “tamwabapo Ilembo limo muli Baibele ilyo ilili nokulwisha ilinankwe.” Ine ndefwaya imwe mukaletе kuli ine. Ine nalipusha pali ico pamyaka amakumi yabili na mutanda, kabili Ine nshilati insange ico na nomba. Tamwabapo Ilembo ilyo ili lwi- . . . Nga cakutila lyena lyalwisha Ico, nomba cena ninshi cintu calembwa no muntu. Iyo, mukwai, tamwaba ukulwisha muli Baibele!

<sup>120</sup> Nomba ici imwe mwatile, “Nga palwa *cilya*?”

<sup>121</sup> Apa napeminina Yesu aletila, “Eico imwe kabiyeni, kafundisheni ifyalo fyonse, mukale babatishisha mwi Shina lyakwa Taata, Mwana, na Mupashi wa Mushilo.”

<sup>122</sup> Kabili Petro apilibwike kunuma, nokutila, “Lapileni, cila umo pali imwe, kabili no kubatishiwa mwi Shina ilyakwa Yesu Kristu.”

<sup>123</sup> “Apo epali icakulwisha cenu.” Cilemoneka kwati ngeco. Nomba, nga cakutila iwe ulebelenga na mano yabumubili bobе, kabili nokukana kwata umutima uwaisuka, cena cili nokuba icakulwisha.

<sup>124</sup> Lelo nga cakutula imwe mwabelenga Cena nemitima yenu iyaisuka, “Mupashi wa Mushilo alifisa ifi ukufuma ku menso ayaba mano naba cenjela,” Yesu eflyo alandile, kabili atotele Lesa palwa ico, “kabili asokolola Ico kubana abo abenga sambilila.” Nga cakutula iwe walikwata amano, kabili temano yakuitemwa, lelo umutima uwakabila ukusambilila, Mupashi wa Mushilo ali nokukufundisha ifi fintu.

<sup>125</sup> Nomba nga cakutula cena tacilepashanishiwa. . . Iwe watila, “Nga waishiba shani ukutula iwe naulungika?” Ukuba, cena cilaipashanya pamo nayonse Amalembo ayashala. Nga cakutula iwe taucitile, iwe naukwata icakuipusanya icine pano.

<sup>126</sup> Nomba Ine ndefwaya ukumipusha ilipusho. Uyu ni chapitala wakwa Mateo uwa kulekelesha. Nalacisenda mu musango uunono, pakutula cila umo pali imwe. . . abana balecikutuluka Cena.

<sup>127</sup> Icakumwenako, nga wabelenga ilyashi ilyakutemwa, kabili kunuma lyaico kwatila, “Kabili Maliya na Yohane baikela abansansa ishakutwalilila panuma.” Ukuba, imwe kuti mwasunguka untu Yohane na Maliya bali abo abaikele insansa ishakutwalilila panuma. Nomba, nga cakutula iwe ulefwaya ukwishiba untu Yohane na Maliya baba, iwe cawama ukubwelelamo mukubalilapo kwe buuku nokufwailisha untu Yohane na Maliya baba. Nomba bwelela pano nokufwailisha untu Maliya aba, kabili lupwa nshi ulo ena afumamo; kabili untu Yohane ali, kabili lupwa nshi ulo ena afumamo, kabili nefyo ishina lyakwe lyaba, kabili umusango untu baupaninemo, kabili nafyonse palwa ico. Bushe ico nacilungama?

<sup>128</sup> Ukuba, ico ecintu cimo cine mukubelenga kwa Baibele pano. Lintu. . . Lolesheni, Yesu tatalile alanda ukuti, “Kabiyeni nokubatisha abantu mwi shina lyakwa Taata, mwi shina lya Mwana, mwi shina lya Mupashi wa Mushilo,” munshila iyo abantu bakwa lesa patatu babatisha. Tamwaba Ilembo ilyaico muli Baibele. Ena tatalile alanda ukuti, “Muma shina (m-u-m-a-s-h-i-n-a), muma shina” yakwa Taata, Mwana, na Mupashi wa Mushilo.

<sup>129</sup> Ena atile, “Mwi (shina) mwi shina,” limo. Lolesheni muli Baibele yenu mulya nokufwailisha nga cakuti ico nacilungama, muli Mateo 28, “Mwi *Shina*.”

<sup>130</sup> Te “mwi shina lyakwa Taata, te mwi shina lya Mwana, . . .” iyo e nshila iyakwa kashimikila wakwa lesa patatu abatishishamo. “Mwi shina lyakwa Taata, mwi shina lya Mwana, kabili na mwi shina lya Mupashi wa Mushilo.” Ico tacaba fye na muli Baibele.

<sup>131</sup> “Nomba mwi shina. . .” Imwe mwatila, “Ukuba, nomba mwi shina ilyakwa ‘Taata, Mwana, na Mupashi wa Mushilo.’” Nomba palya paliko i Shina limo palya.



<sup>132</sup> Ukuba, *taata* lishina? Nibanga abaishiba ukutila *taata* te shina? *Taata* cakwimininako. *Umwana* te shina. Nibanga abaishiba *umwana* te shina? Nibanga ba taata abali muno? Imyeniko amaboko yenu. Nibanga abana abali muno? Imyeniko amaboko yenu. Ukuba, ninani umo pali imwe uweshina lya “Mwana”? Ninani pali imwe uweshina lya “Taata”? Nacilungama, *Mupashi wa Mushilo* te shina, *Mupashi wa Mushilo* abafye ifyo Ena aba. Nibanga abantu nse abali muno? Imyeni amaboko. Mwamona? Mwaishiba, *Mupashi wa Mushilo* abafye ifyo Ena aba. *Taata, Mwana*, na *Mupashi wa Mushilo*, nangu umo pali bena te mashina; tapali ishina kuli ico.

<sup>133</sup> Ukuba, nomba, nga cakutila Ena atile, “Mulebatisha mwi Shina lyakwa *Taata, Mwana* na *Mupashi wa Mushilo*,” ifwe cawama ukubwelelamo kunuma nokufwailisha Untu *Taata, Mwana*, na *Mupashi wa Mushilo* baba. Natubwelele ku chapitala 1 uwakwa Mateo nomba, tumone Untu uyu Muntu aali untu ifwe tufwile ukubatisha mwi Shina nshi. Kabili ifwe twatampa nomba na Mateo, chapitala 1, ne versi lya 18. Mubelenge bwino bwino imwe bonse.

<sup>134</sup> Nomba, iwe wewaipwishe ilipusho, Ndefwaya impele icakulondolola panono pano. Nomba Nalabika ifintu fitatu pano pakutila iwe wingakutuluka bwino bwino, (pangeni ici icakulondolola) aba ba Baibele nama buuku, ukupanga ica kulondolola.

<sup>135</sup> Nacilungama, Ndefwaya imwe mumone bwino bwino, nacila umo ankoke ine nomba. Nomba, uyu pano ni Lesa *Taata*. Uyu pano ni Lesa *Mwana*. Uyu pano ni Lesa *Mupashi wa Mushilo*. Nomba, nibanga abaumfwikisha? Imwe mwalendi ukukonka ine panuma. Ninani uyu *pano* pashi? [Ulukuta lwatila ni, “*Mupashi wa Mushilo*.”—Kale.] *Mupashi wa Mushilo*. Ninani uyu uuli apa? [“*Taata*.”] Ninani uyu *pano*? [“*Mwana*.”] Nomba, iyo e nshila iyo abakwa lesa patatu bacetekelamo ico, Mwamona, ico ciletulenga ifwe ukuba abasenshi, ukubafye icintu icibishi ngefyo cingaba.

<sup>136</sup> Kumu Yuda; uyo e mulandu iwe tawinga cita icintu nangu cimo pamo nomu Yuda. Atile, “Imwe teti muputaule Lesa mufipimfya fitatu nokumupela Ena kumu Yuda.” Lelo, icine cine teti, tekuti ucite ico kuli ine napamo. Mwamona? Iyo, mukwai. Ena akwata Lesa umo. Ico cili bwino bwino fye. Teba Lesa batatu. Nomba moneni ifyo—ifyo—ifyo Cena caba icaanguka.

<sup>137</sup> Nomba twalafwailisha. Nomba, ninani uyu. . . *Uyu* ni Nani? Bamo landeni nomba. Lesa *Umwana*. Bushe ico nacilungama? *Uyu* e *Mwana*. Ukuba, nomba *Taata Wakwe* ni Lesa. Bushe ico nacilungama? Nibanga abalecetekela ukutila *Taata Wakwe* ni Lesa? Imyeniko amaboko yenu. Nibanga abacetekela ukutila Lesa e *Taata wakwa Yesu Kristu*? Nacilungama.

*Nomba ukufyalwa kwakwa Yesu Kristu kwali muli iyi nshila: . . .*

138 Nomba twalabwelelamo kunuma tufwailishe Untu Taata, Mwana, na Mupashi wa Mushilo baba, untu Mwateo atile “batisheni mwi Shina lyakwa.” Mwamona, i Shina; temashina nomba, pantu teti babe amashina, pantu tapali ishina palya.

*Nomba ukufyalwa kwa kwa Yesu Kristu kwali muli iyi nshila: Lintu...nyina wakwe Maliya akobekelwe kuli Yosefe, ilyo bena tabalati babe pamo, ena asangilwe ukuba no mwana uwakwa Lesa Taata. (Bushe Baibele yalilanda pali ico? Cinshi ico Baibele ilanda?)...ena asangilwe no mwana uwa Mupashi wa Mushilo.*

139 Nomba ninani umo pali *aba* Taata Wakwe? Nomba, Baibele yalanda ukutula *uyu* e Taata Wakwe, kabili Yesu alanda ukuti *uyu* ewali Taata Wakwe. Nomba, ninani Umo Taata Wakwe? Nomba, nga cakutula Ena akwete ba taata babili, nomba ngapalwa ico? Nga cakutula Ena akwete ba taata babili, Ena mwana wa mucani.

140 Nomba natubelengeko ukuyako pantanshi panono:

*Nomba Yosefe umulume wakwe, ukuba umuntu umulungami, ena taali uwakabila ukumulenga ena icakumwenako capalwalala, lelo aibukishiwe ukumutamfya mubumfisolo.*

*Lelo ilyo aletontokanya pali ifi fintu, moneni, malaika wakwa Shikulu amonekele kuli ena muciloto, nokutula, Yosefe, we mwana uwakwa Davidi, witina ukubula kuli iwe Maliya umukashi obe: pantu ico icaimitwa muli ena ca mu...[Ulukuta lwatila, “Mupashi wa Mushilo”—Kale.]*

141 Cinshi *Ico*? Mupashi wa Mushilo? Ukuba, kuti caba shani Taata aba Taata Wakwe, kabili na Mupashi wa Mushilo ukuba Taata Wakwe panshita imo ine? Nomba, Ena ninshi akwete ba taata babili lilya, nga cakutula ico caba icalungama. Iyo, mukwai! Mupashi wa Mushilo NI Lesa. Mupashi wa Mushilo NI Lesa. Eico Lesa na Mupashi wa Mushilo Muntu umo wine palwakwe, nangu Ena akwete ba taata babili.

142 Mwamona, ifwe twasanga untu *Yohane na Maliya* baali, panuma yakashita. Nacilungama, ifwe tulesanga nga cakutula Petro na Mateo baleesha ukuilwisha umo no munankwe nangu iyo, mwamona nga cakutula Amalembu yaleilwisha ayene pa Lwayako. Cena kubulisha ukukutuluka kwa bumupashi. Ico nacilungama.

*Lelo ilyo ena aletontokanya pali ifi... .*

143 Ninsanga iyo imo, versi 20. Nomba iya 21:

*Kabili akafyala umwana... (Uyu u Muntu, ninani pali aba? U Muntu Umo, Lesa.) ...kabili ukete ishina lyakwe... (Cinshi?) [Ulukuta lwaasuka,*

“YESU”—Kale.] . . . *pantu akapususha abantu bakwe ukufuma kumembu shabo.*

. . . *conse ici cacitilwe, ukuti . . . cingacitwa ukufikilisha cilya icalandilwe na Shikulu na kasesema, catile,*

Moneni, nacingu akaba no mwana, kabili akafyala umwana, *kabili bena baketa ishina Lyakwe Emmanuele, . . . mukupilibula, Lesa pamo na ifwe.*

144 Eico ninani Yohane na Maliya abo abaikele abansansa ishakutwalilila panuma? Nani ulya Umo uwalandile ukuti, “Kabiyeni imwe eico, nokufundisha ifyalo fyonse, mukalebatisha bena mwi shina lyakwa Taata, Mwana, na Mupashi wa Mushilo”? Ninani uwali Taata? Mwi Shina lyakwa Taata, Mwana, na Mupashi wa Mushilo? [Umo atila, “Yesu.”—Kale.] Iicine cine, Cena cali. Ica cine, tamwali icakulwisha kuli ico. Nangu panono. Cena cilelungamikafye Amalembo. Ena ali ni Taata, Mwana, na Mupashi wa Mushilo. Lesa ali (Emmanuele) ukwikala pamo na ifwe, ukwikala mu mubili uwitwa “Yesu.”

145 Nomba, ukufundisha kwaba oneness ukwa chalichi ca Oneness, Ine icine cine nshisuminako kuli ico, ukutomtonkanya ukutila Yesu aba kwati fintu umunwe obe waba umo. Ena alikwete taata. Ena nga cakutila Takwete, nimumusango nshi Ena engabelamo taata Wakwe Umwine? Kabili nga cakutila Taata Wakwe ali umuntu kwati fintu Ababulesa patatu balanda, nomba ninshi Ena akwete ukufyalwa kwa mucani kuli ba taata babili. Eico, imwe mwamona, imwe bonse babili namulufyanya mukucita ifitala. Mwamona?

146 Lelo Iicine ica ico cili, icakuti bonse babili Taata, Mwana, na Mupashi wa Mushilo, Muntu umo. [Pali tepu tapali amashiwi—Kale.] . . . mukwikala mwi hema lya mubili, ukufumya ulubembu mwi sonde. Ico nacilungama bwino, “Lesa pamo na ifwe.” Nomba, eico, lintu Mateo 28:19 . . .

147 Nomba, imwe mufwaye mu Malembo, kabili lintu imwe mwasanga apo umuntu umo muli Baibele. . . (Nomba tontonkanyeni palwa ico, nomba mwileka ici cipite pali imwe.) . . . apo umuntu umo muli Baibele atalile abatishiwa mwi shina lyakwa “Taata,” nelya “Mwana,” nelya “Mupashi wa Mushilo,” mukabwele kuli ine nokunjeba ukuti Ine ndi myalu myalu, kabili Nkabika icishibilo panuma yandi nokwenda ukupita mu musumba. Cena tacaba mu Malembo, ukufuma ku Kutendeka ukufika ku Kusokolola. Lelo umuntu onse muli Baibele abatishiwe mwi Shina lyakwa Yesu Kristu!

148 Imwe mwatila, “Loleleniko panono, kashimikila. Nga palwa kwa Yohane? Ena tabatishe mwi shina ilili lyonse nakalya!”

149 Nacilungama, ifwe natusanga, icacitike; natupilibule ukuya ku—ku ku—ku Milimo, chapitala 19. Palya epotulesanga

abasambi bakwa Yohane. Umuntu onse abatishiwe mwi Shina lyakwa Yesu Kristu, ukuya pa muulu nomba mpaka twasanga ili ibumba ili pano. Mu Milimo chapitala 19. Kabili lekeni nomba tutampe ukubelenga, kabili twasanga abasambi bakwa Yohane:

*Kabili caishile fikilishiwa, . . . ilyo Apollos (uyo uwali ndubulwila, uwapilibwilwe) ali mu Korinti, Paulo pakupita mululamba lwapa muulu ulwa . . . mu Efese: asangile abasambi bamo, (bena bali batumwa bakwa Yesu)*

<sup>150</sup> Nga cakutula imwe mwamwene chapitala iyapitileko kulya kunuma, bena balikwete ilya inshita iikalamba mpaka bena batampile ukubilikisha noku sangalala. Nibanga abeshibe ukuti ico e cine? Kabili Aquila na Priscilla bali mukulongana. Kabili Paulo na Sila balibomine nokubafula, nokubabika mucifungo. Bushe ico nacilungama? Kabili baishile pano, nokusanga Aquila na Priscilla. Kabili bena bakwete ukupuputulwa nakashimikila waku Baptisti uwe shina lya Apollos, ulya uwaleshinkisha mu Malembo ukutula “Yesu ali ni Kristu.” Nomba Paulo amusangile ena:

*. . . Paulo pakupita mululamba lwapa muulu ulwa . . . bena Efese: . . . asangile abasambi bamo,*

*Atile kuli bena, Bushe imwe mwalipokelela Mupashi wa Mushilo ukutula lintu imwe mwacetekele? . . .*

<sup>151</sup> Nomba, iwe, wemutemwikwa cibusa waku Baptisti, ico nga cakutula tacifumisheko utuntu twabipa ukufuma pe samba yama sambililo yamipepele *yobe*, lintu iwe wacitila iwe “wapokelele Mupashi wa Mushilo *lintu* iwe wacetekele.”

<sup>152</sup> Lelo Paulo alefwaya ukwipusha aba ba Baptisti, “Bushe mwalipokelela u Mupashi wa Mushilo *ukutula* ilyo mwacetekele?” Nomba moneni ifyo basosele:

*. . . Kabili batile kuli ena, Ifwe twalishiba . . . nga kwalibako u Mupashi wa Mushilo uuli onse.*

*Kabili atile kuli bena, ni Kuli cinshi. . . (nomba, nga mulefwaya ukusenda icitabo cakufwailamo amashiwi ica ci Greeki pano, cili no kumilangisha, “Ni mu musango nshi mwabatishiwe?”) . . . Ni kuli cinshi . . . imwe mwabatishiwe? Kabili batile kuli ena, Pesamba lyakwa Yohane kunuma kuno. Yohane ewatubatishe.*

<sup>153</sup> Nomba Ndefwaya ukwipusha: Nga mwalikwete lulya ulubatisho, bushe kuti mwaikushiwa na lwena? Umuntu umo wine uwaendele na Yesu ukufuma mu mumana, nokubatisa Yesu Kristu, ulya wine umuntu ewatubatishe aba bantu. Ulo lubatisho ulusuma nganshi: te kusansa, te kwitila, lelo ukwibisha mu Yordani yakale iyamatipa pa cifulo cimo cine apo Yesu abatishiwe. Tontonkanyeni pali ico.

154 Paulo atile, “Bushe mwalipokelela u Mupashi wa Mushilo ukutula ilyo mwacetekele?” Bena . . . ena . . .

Batile, “Twalishiba . . . nga cakutila kwalibapo u Mupashi wa Mushilo uuli onse.”

Atile, “Musango nshi mwabatishiwemo?”

Batile, “Ifwe twalibatishiwa.”

“Musango nshi mwabatishiwemo?”

“Kuli Yohane!”

155 Nomba moneni ifyo Paulo asosele. Moneni apa:

*Kabili atile kuli bena, . . . bushe imwe mwali- . . . Kuli Yohane . . . Kabili bena . . .*

*Kabili nomba Paulo atile, Yohane mucine abatishe . . . ulu bat- . . . ku kulapila, ukulanda ku . . . bantu, . . . bafwile ukucetekela muli ena uyo uleisa panuma yakwe, cali pali, pali Yesu Kristu.*

156 Mwamona, Yohane abatishefye ku kulapila, lelo ulubatishe lwa mu menshi mwi Shina lyakwa Yesu lwabelako ukukwelelwa kwa membu. Icikonsolwelo cali tacilapangwa lilya, imembu tashale elelwa. Nomba . . . Califye kwasuka kwa kampingu, kwati ni pesamba lya malango. Luka 16:16, itila, “Amalango na bakasesema fyali mpaka Yohane, kutula lilya Ubufumu bwalishimikilwa.” Nomba moneni. Kabili . . . Moneni.

*Kabili Paulo atile ukukana- . . . (nomba moneni) . . . Bushe imwe mwalipokelela . . .*

157 Iya 5—versi ya 5:

*Kabili ilyo baumfwile ici, bena balibatishiwe (nakabili) mwi shina lyakwa . . . Yesu Kristu.*

158 Cilya cishinka? Kanshi aba bantu, abantu mu Milimo ya Batumwa 2, babatishiwe mwi Shina lyakwa Yesu. Aba Yuda babatishiwe mwi Shina lyakwa Yesu. Abena Fyalo babatishiwe mwi Shina lyakwa Yesu. Kabili umuntu onse muli Baibele yonse abatishiwe mwi Shina lyakwa Yesu.

159 Nomba sangeni icifulo cimo apo muntu uuli onse uwashala atalile ukubatishiwa mu nshila imbi, kabili Nalaya fye kunuma uku no kumulangisha apo ichalichi ca Katolika cilecisumina, no kusosa ukutila mulafukamina kuli cena. Kabili atile, “Limbi kuti kwaba ba Protestanti bamo abapusuka pantu balikwata amasambilisho ayanono ayaba Katolika, ifyapala nga ulubatishe mwi shina lyakwa ‘Taata, Mwana, no Mupashi wa Mushilo’; ukutila ichalichi ca mushilo ica Katolika calikwata insambu shakupilibula ulya umucinshi ukufuma mwi Shina lyakwa Yesu, kuli ‘Taata, Mwana, no Mupashi wa Mushilo,’ kabili no lukuta lwa Protestanti lwa cisumina.” Uyu umo tacicita, Njikala pamo na Baibele. Nacetekela Baibele.

160 Mwatila, “Munyina Branham, bushe ulasonta abantu ukubatishiwa nakabili?” Mucine! Paulo alicitile, apa.

161 Nomba moneni, lekeni tubule Abena Galatia 1:8, no kusanga ifyo Paulo asosele:

*... nangula ifwe, nangu malaika ukufuma ku muulu, ashimikila ili yonse iyaibela imbila nsuma kuli imwe... lekeni abe uwatipwa.*

162 Mwacimona ico, “Ngacakutula ifwe nangu malaika.” Kabili Paulo, umuntu umu wine, apele abantu umulimo wakubatishiwa nakabili abo abakwete ulubatisho ulwawamishapo nganshi ukucila ulo wakwete, munyinane; pantu Yohane Kabatisha ali mufyala wakwa Yesu’ Umwine, umufyala wa cibili; ukubatisha umufyala wakwe umwine mu mumana wa Yordani, kabili aishile pilibukafye no kubatisha abasambi bakwa Yohane. Kabili Yesu atile, “Cena tacakabombe!” nangu Paulo alicisosele Cena, no kubapela umulimo wakubatishiwa nakabili mwi Shina lyakwa Yesu Kristu ilyo tabalapokelela u Mupashi wa Mushilo; panuma ilyo balebilibikisha no kulumbanya Lesa no kukwata inshita iikalamba, ukukwata ukukalamba—ukukalamba ukupuputulwa, kabili ukushininkisha kuli Baibele (nefyama masambililo ya bulesa fyabo) ukutula Yesu ali ni Kristu. Ni banga abaishiba cilya ukutula e Malembo? Chapitala 18. Mucine efyo caba. Mwacimona ico. Eico takuli ilipusho kuli Cena.

163 Nomba lekeni mupele icikomo icinono. Nomba, ena tatalile afuma mu butantiko, lelo muli Luka... Mateo, chapitala 16. Yesu, ilyo batentemwike ukufuma pa lupili, Aletila, “Bushe abantu batila Ine ne Mwana wa muntu nine ani?”

164 “Bamo batila Nimwe ‘Eliya,’ kabili bamo batila Nimwe ‘bakasesema,’ kabili bamo batila Nimwebo ‘*ici, cilya.*”

165 Atile, “Lelo imwe mutila Nani?”

166 Petro atile, “Imwe nimwe Kristu, u Mwana umwaume wakwa Lesa wamweo.”

167 Moneni! “Walishuka iwe, Simoni Mwana-Yona (umwana wakwa Yona), umubili no mulopa tafisokolwele Ici kuli iwe.” Amen!

168 Mwamona, Cena cilingile ukwisa ubusokololo bwa bumupashi. Umubili no mulopa tafyatalile ukweba Abele ukutula ena ali mucilubo (Kaini, ukutula ena ali mucilubo), tafyatalile ukweba Abele ukutula “Kaini ali mucilubo.” Lelo Cena cali busokololo ubo Abele akwete, “Cena cali mulopa!” Ifwe tuleisa muli lilya ilipusho mu ma miniti ayanono. Cena cali mulopa, te fisabo, ifyo fyatufumishe mwi bala lya Edeni. “Cali mulopa,” kabili Abele, ku busokololo bwa bumupashi, asokolwelwe na Lesa ukutula cali mulopa, kabili ena, “Kucicetekelo,” Aba Hebere 11:1 itila, “apele kuli Lesa

ilambo ilyawamisha ukucila ilyakwa Kaini. Ico, Lesa alisumine ilambo lyakwe.” Mwacimona ico. Mwamona, ena alipele lyena kucitetekelo, ku busokololo.

<sup>169</sup> Nomba moneni, “Umubili no mulopa tafisokolwele ici kuli iwe,” (ukutolokela fye kuli Shikulu Yesu) “lelo Taata Wandu uwaba mu Mualu nasokolola Ici kuli imwe. Kabili pali ici cilibwe (ubusokololo bwakwa Yesu Kristu) . . . Pali ici icilibwe Nkakulapo i Chalichi Candi, kabili impongolo sha ku mboo teti shi canshe Cena.” Filya efyo Asosele. Ukwabumupashi ukup- . . . “Kabili Ndesosa ukutila niwe Petro, kabili Ndi no kukupela iwe imfungulo sha Bufumu. Kabili conse . . . Pantu naukwata inshila iyaisuka iya kumupashi pakati ka pano no Muulu. Umubili no mulopa: iwe tawatalile ukusendwa mu seminary, iwe tawatalile ukukwata amasambililo, tawatalile ukukwata i-i-imibombebe ya masambililo ya fya bulesa. Lelo washintilile pali Lesa, kabili Lesa Acisokolwele kuli iwe, kabili mukupwililika Malembo aya tambalala ayacikaka Cena kuli iwe. Ndesosa ukutila niwe Petro, cilya cishinka, kabili Ndi nokukupela iwe imfungulo; kabili ico wakaka pe sonde, Nkacikaka mu Muulu; ico wakakula pe sonde, Nkacikakula mu Muulu.”

<sup>170</sup> Kabili Petro ewali kalanda pa Bushiku bwa Pentecosti, ilyo bonse baletina ukulanda, alilandikishe no kutila, “Imwe mwe bantu ba mu Yudea na imwe mwe bekala mu Yerusalemu, lekeni ici cishibikwe kuli imwe kabili kutikeni ku Fyebo fyandi. Aba tabakolelwe nge fyo muletontokanya, ukumona ukutila ni ora yacitatu iya bushiku, lelo ici e cilya icalandilwe pali kasesema Yoele. ‘Cikesa fikilishiwa mu nshiku sha kulekelesha,’ efyo sosa Lesa, ‘Nkapingolwela u Mupashi Wandu pa bantunse bonse. Abana benu abaume na bana abanakashi bakasesema. Kabili na pali bacishiko Bandi, bacishiko, Nkapingolwela u Mupashi Wandu. Kabili Nkalangisha ifishibilo mu myuulu pa mulu kabili na pe sonde panshi, ne misashi sha cushi no mutonshi. Cikesa fikilishiwa libe Ubushiku ubukalamba ubwabipa ubwakwa Shikulu tabulaisa, uyo onse uuketa pe Shina lyakwa Shikulu akapusuka.” Mwacimona ico. Oh, mwe.

<sup>171</sup> “Lekeni nande mubuntugwa kuli imwe pa cokolwe Davidi,” atile, “ena alifyonse fibili uwafwa kabili uwashikwa, ne nshishi yakwe yaba pamo na ifwe ukufika na buno ubushiku. Eico kanshi, ukuba kasesema, amwene . . . amumwenene kalibele Ena kukuboko Kwakwe ukwa kulyo, ‘Kabili Nshakatenshiwe. Ukucishapo umubili Wandu ukekala mu kucetekela pantu Takashe umweo Wandu ku mboo, nangu ukucusha Uwa Mushilo Wenu ukumona ububole.”

<sup>172</sup> “Kabili Davidi alifyonse fibili uwafwa,” atile, “no kushikwa, ne nshishi yakwe yaba pamo na ifwe na buno bushiku. Lelo ukuba kasesema, alimwene kalibela ukwisa kwa Ulya Umulungami, Uo Lesa alenga fyonse fibili Shikulu kabili

Kristu.” Oh, mwe. Aya apa Amalembo yenu. Cilya e cintu. Cilya eco.

<sup>173</sup> Nomba tulesanga ukuti pano, kanshi, ukutila inshila iyalungama, kabili inshila ine ine, kabili inshila fye imo iyo yatalile ukulashikwa . . . Kabili Petro alikwete imfungulo, kabili pa bushiku ilyo ashimikile, batile . . . Nomba moneni, ici apa e Chalichi cakubalilapo. Imwe ba Katolika umfweni kuli Ici. Imwe mwebena Campbell umfweni kuli Ici. Imwe ba Baptisti naba Methodististi umfweni kuli Ici. Na imwe ba Pentecosti umfweni kuli Ici. Church of God, ba Nazareni, Pilgrim Holiness, umfweni kuli Ici.

<sup>174</sup> Petro alikwete imfungulo, kabili alikwete insambu, nangu Yesu alibepele. Kabili tacingacitwa kuli Ena ukubepa, “ifintu fibili ifishingacinja, caba icishingacitwa kuli Lesa ukubepa.” Ena alikwete imfungulo. Yesu amupele imfungulo. Ilyo Abukile pa—pa bushiku bwa citatu nga filya, Ena alikwete imfungulo sha mfwa kabili, imboo, lelo te mfungulo sha ku Bufumu. Petro alishikwete! Cena cishinka nganshi.

<sup>175</sup> Kabili nomba moneni, Petro, naukwata imfungulo shilepelela kulubali lobe, kabili uleshimikila. Ilipusho lyaisa, abapilibwilwe pakubala aba mu chalichi icipya. I Chalichi ca bwina Kristu ica pakubala. Nomba Katolika, nomba Baptisti, Methodististi, Prebysteriani, bushe muli pe sambilisho ilya Chalichi Icipya? Fwayeni nga efyo muli.

. . .Umwaume na ba munyina, ni cinshi ico twinga cita?

. . .Petro aiminine no kutila . . .Lapileni, . . .cila umo muli imwe . . . (lolesha kunse, mune; umusango ulebikilamo shilya imfungulo apa, Kristu ali no kucibika mu Maulu) . . .Lapileni, cila umo muli imwe, no kubatishiwa mwi shina lyakwa Yesu Kristu . . . (ulya e musango wakwingila muli Ici) . . .ku kulekelelwa kwa membu shenu, kabili imwe mukapokelela icabupe ca Mupashi wa Mushilo.

<sup>176</sup> Imfungulo shalilile “kiliki” apa, kabili calilile “kiliki” Kulya. Ulya e mulandu wine abasambi bakwa Yohane baishile no kubatishiwa nakabili, nakabili, mwi Shina lyakwa Yesu Kristu (ilyo tabalaya mu Muulu), kukwata Mupashi wa Mushilo. Ena alisungile i Cebo Cakwe. Eico cena tacimufulunganya imwe nomba, bushe cilecicita? Mwamona? Mucine, Mateo 28:19 yali fya kulumbwilwako, te Shina.

<sup>177</sup> Cisuma, ni nshita nshi tushele nayo? Bushe kuti twakwata ama miniti na yambi ikumi na yasano ukwasuka amepusho nayambi bwangu bwangu? Bushe kuti twacita? Cisuma, twala angufyanya bwangu bwangu. Ninkwata yabili pano pesamba, ayo Nacilafwaya mukwangufyanya, nsuntinkanye pamo neci,



ngakuti Nacicita. Lyena kuti Nasenda yambi ayashala pa Mulungu ulucelo.

**57. Bushe Kaini aali mwana wa nsoka? (Ici cimo icisuma.) Nga efyo, mulandu nshi Efa taimitile mpaka panuma Adamu amwishibe ena?**

Cimo cine . . . Ilipusho limbi lili mumusango umo wine:

**58. Bushe cali i—icimuti icituntulu uko Efa alile icisabo? Amwene ukutila cali icisuma ku cakulya.**

<sup>178</sup> Cisuma, munyina, nkashi, fyonse fintu ali, lekeni tubwelele mu Kutendeka no kusanga icintu cimo pano. Natuleya mu Kutendeka 3:8, nga kuti mwacita. Cisuma, kabili kutikisheni nganshi nomba.

<sup>179</sup> Nomba Nalaleta ilyashi. Cali fye icasanguluka kabili ica mushilo, tamwali ulubembu nangu ukukowela. Nomba Nalabula i . . . ilyenu . . . ili ilipusho lya ntanshi mukubalilapo. Icimuti mu mweo . . . pakati ke bala, pakati ka cimuti. *Icimuti* cali “mwanakashi.” Nomba Nalacishininkisha cilya kuli imwe ku Malembo nga muli no kushipikisha fye pa ma miniti ayanono.

<sup>180</sup> Twalabula mukubalilapo nga cakutila aali . . . nga cakutila aimite libe talaishiba Adamu nangu iyoo, nangu pakubala . . . Kutikeni:

*Kabili balyumfwile ishiwi lyakwa SHIKULU Lesa ukwenda mwi bala, kabili mukutalala kwa kasuba: kabili Adamu no mukashi wakwe bafishile abene ukufuma ku cinso cakwa SHIKULU Lesa pakati ka fimuti fya mwi bala.*

*Kabili SHIKULU . . . aitle Adamu, kabili atile . . . Nikwisa uli?*

*Kabili atile, Nacumfwa ishiwi lyenu mwi bala, kabili Naciba no mwenso, pantu Naciba ubwamba; . . . (nomba, ena taishibe ukutila ubushiku bwafumineko; icintu cimo calicitika, icintu cimo calisokolola kuli ena ukutila ena ali ubwamba) kabili Naci ifisa ne mwine.*

*Kabili atile, Nani akwebele iwe ukutila uli bwamba? Bushe nauliyako ku cimuti, . . . ?*

<sup>181</sup> Ukulya ku cimuti kwamulengele ukwiluka ukutila ali ubwamba? Nge fyo lyonse Nanda, (uyu te mupulwe, Nshilecipilibwila ku kusekesha) “Lelo nga ukulya ama apo kwalengele abanakashi ukwishiba ukutila bena bali ubwamba, ifwe tulingile ukubapela ama apo nakabili.” Mwamona? Tacali ubwamba. Tacali icimuti, i apo balile, cali bulungani. Moneni:

*. . . Bushe iwe naulya ku cimuti, ico Nakuleseshe iwe ukutila taufwile ukulyako?*

*Kabili umwaume atile, Umwanakashi uo imwe mwampele, ukuba na ine, eumpele... icimuti, kabili Nindyako.*

*Kabili SHIKULU... atile ku mwanakashi, Cinshi ico iwe ucitile? Kabili umwanakashi atile, Insoka yalimbeleka ine, ... (huh?)... Insoka yalimbeleka ine, kabili Nalilya. (inshita iitali libe talaimita, mwamona, kuli Adamu)*

<sup>182</sup> Adamu alimwishibe ena, kabili ena aimite nokuleta—nokuleta Abele.

<sup>183</sup> Lelo Ndefwaya ukumwipusha, ukufuma fye mu cishinka icituntulu. Nomba ukushininkisha kuli imwe ukutla ena ali icimuti, umwanakashi onse cimuti ca cisabo. Ni banga abaishiba cilya? Bushe tamuli cisabo caba nyinenwe? Mucine, eflyo muli. “Kabili pakati ka cisabo, nangu pakati ka cimuti, icisabo ico ena takumya.”

<sup>184</sup> Nga muli no kumona, bushe Yesu tali Icimuti ca Mweo? Bushe Ena talaile mulya muli Mateo Washila, nangu, Yohane Washila, chapitala 6, “Nine u Mukate wa Mweo uyo wafuma kuli Lesa ukufuma ku Muulu?”

<sup>185</sup> Nga umwaume alyako ku mwanakashi... Kabili lolesheni, ukupitila mukufyalwa kwa... ku mwanakashi, ifwe bonse tulafwa; pantu ifwe twaliba abanakila ku mfwa (bushe cilya cishinka?) ukupitila mukufyalwa ku mwanakashi. Ukupitila mukufyalwa ku mwaume, ifwe bonse tulekala umuyayaya. Umwanakashi cimuti ca mfwa, umwaume cimuti ca mweo; pantu umwanakashi takwata nangu bumi muli ena. Cilya cishinka nganshi. Aka—akashishi ka bumi kalafuma mu muntu, bwino bwino. Bwaingila mu mwanakashi, kabili umwanakashi taba nangu cimo lelo mwakupangila; kabili umwana taba uwasuntinkana, lelo mutotofye. Tamwaba nangu litoni lya mulopa wakwa nyina mu kanya; kafyalilwa mu mulopa wakwe, lelo tamwaba itoni nangu limo *mu* kanya. Kabiye ufwaye... nangu ukabelenge ibuuku lyakwa dokota, nangu ukepuse dokota obe, iwe uli nokumona. Tacabamo mulya, iyoo, mukwai, tapaba nangu limo itoni lya cilya nakalya. Lyena lyabafye lini, epela. Kabili umweo ufuma mu mwaume.

<sup>186</sup> Cilya cipasho icisuma ukulangisha ukutla ukupitila mu mwanakashi, ukupitila mukufyalwa kwa cifyalilwa, ifwe bonse tulingile ukufwa, pantu ifwe tuli abafwa mukubalilapo; kabili kano fye ukupitila mu Mwaume Kristu Yesu kuti twaba no mweo. Kabili kwaba ifimuti fibili mwi bala lya Edeni. Bushe tamulemona ico?

<sup>187</sup> Kabili lolesheni! Kabili muli bulya bushiku kwali Kerubi uwalelinda ici cimuti. Ukutla nga balitala ukusondapo cilya i Cimuti ca Mweo, bena bonse kuti baba no mweo wa pena-pe. Nibanga abaishiba cilya? Bena bonse bali nokuba no

mweo wa pe-na-pe. Kabili panshita yakubalilapo bena kuti bacisonda cena... Malaika atile, "Ifwe twalacilonda Cena." Kabili babikile ba Kelubi kulya na yalya amapanga ya mulilo ukulola ku kabanga ku ku kulonda Cena. Bali Cibweshehe ku Kabanga, nokucilonda cilye Cimuti nama panga ya mulilo pakutila bengafilwa ukwingilamo ku Kucisenda (ici Cimuti).

<sup>188</sup> Kabili ilyo Yesu aishile, Atile, "Nine u Mukate wa Mweo, ukutula umuntu ngalya uyu Mukate takatale ukufwa." Cilya palya Icimuti cenu.

<sup>189</sup> Ulya palya e mwanakashi wenu, kulya palya e kukumana uko kuleta imfwa. Nga filya fine fye kwaba ukukabila kwa kulungana, kwalaba imfwa iyishalako kuli cena. Kabili nge fyo mucine kwaba ukufyalwa kwa bumupashi, kwaliba u Mweo wa Muyayaya uushalako kuli Cena. Imfwa yaishile ukupitila mukufyalwa ku mwanakashi, kabili u Mweo waishile ukupitila mukufyalwa ku Mwaume. Ameni! Mwachimona ico.

<sup>190</sup> Nomba lekeni tubwelele kuli Kaini. Bushe kuti mwanjeba uko ulya umupashi kabili bulya ubunkalwe bwafumine? Nga Kaini... lolesheni, nga cakuti Kaini aali mwana wakwa Adamu uyo uwali umwana wakwa Lesa, nikwisa uko bulya ububifi bwafumine? Icintu cakubalilapo ilyo afyelwe, alipatile, ali ni kepaya, alikwete ubufuba. Kabili nomba ukusenda icifyalilwa caba wishi, pakutampafye mu kutendeka, Lucifa, kabili ena ali mukutendeka... ena alikwete akalumwa pali Mikaele, ico e catendeki ubwafya bonse. Nibanga abaishiba cilya? Kabili Kaini ali cifyalilwa cakwa wishi, uko kwali ukukwata akalumwa pali munyina no kumwipaya. Kulya ukubuta... cilya cifyalilwa teti cilete umulonga uwabuta. Caishile... cena cafumine muli uyu mulonga uwapilibulwa. Kabili moneni Kaini, lilya line ilyo afyelwe.

<sup>191</sup> Elyo kabili Abele afyelwe panuma yakwe, elyo aimite kuli Adamu, kabili ena amwishibe—amwishibe kabili afyele umwana umwaume Abeli. Kabili Abele ali cipasho cakwa Kristu; kabili ilyo—ilyo Abele aipaiwe, Sete asendele icifulo cakwe; imfwa, ukushikwa, no kubuka kwakwa Kristu, mu cipasho.

<sup>192</sup> Lelo, nomba, Kaini ashinshimwine; imilimo yakwe yonse iya buntunse, nga filya ichalichi ca buntunse ileelo: bena balaya ku chalichi, balapepa. Kaini alepepa; ena tali umusenshi, ena tali ni communist. Kaini ali uwacetekela; aile kuli Lesa, akulile icipailo. Ena alicitile icintu conse ica bukapepa ico Abele acitile, lelo ena takwete ubusokololo bwa bumupashi ubwa bufwayo bwakwa Lesa. Libe ilyapalwa i Shina lyakwa Shikulu! Mwachimona ico. Bushe mulecimona Cena? Ena takwete ubusokololo bwa bumupashi, kabili bulya e bwaba ubwafya ne chalichi ileelo. Kabili Yesu atile Aali nokukula i Chalichi Cakwe pali bulya ubusokololo bwa bumupashi. Mwachimona Cena? Oh,

owe, amenso yenu kuti yaisuka nomba. Mwamona, ubusokololo bwa bumupashi.

<sup>193</sup> Kaini alishile: akulile icipailo, ashinshimwine, aletele ilambo, alifukeme panshi, alumbenye Lesa, ashinshimwine Lesa, acitile fyonse ifya bukapepa ifyo Abele acitile. Kabili lesa amukene apatambalala pantu ena takwete ubusokololo bwa kumupashi!

<sup>194</sup> Konkeni ulya umulongo umo wine uwakwa Kaini: ukuya fye ukupita ku bwato, ukufuma ku bwato ukuya fye muli Israeli, ukufuma mu Israeli ukuya fye kuli Yesu, kabili ukufuma kuli Yesu mpaka buno ubushiku; kabili mumone nga cakutila cilya ica bumubili, ica panshi, ichalichi, icakosa kabili icatikama, ica masambililo, Ndepilibula abantu abakwata Amalemo, abo abaishiba isambilisho lyonse ne fya masambililo ya fya bulesa, kuti bacilondolola cena, mune, nga *filya*, lelo ukwabula ubusokololo ubwa bumupashi! [Munyina Branham alishishe iminwe yakwe—Kale.] Cilya cishinka. Lilya lisambilisho lyakwa Kaini.

<sup>195</sup> Baibele itila, “Ubulanda kuli bena! pantu baile nesambilisho lyakwa Kaini, baendele mufilubo fyakwa Balaamu, no konaulwa mukupililika kwakwa Kora.” I Buuku limo line, Yuda, atile, “Bena balingilwe kalibela kuli ukusekwa.” Mucine, bena efyo bali. Mwamona? Ali ni cinshi Balaamu? Ena ali ni bishop. Ena ali pa mulu wa chalichi conse. Ena aishile kulya uwacindama fye nge fyo engaba. Ena apele. . . Lolesheni pali ena ukwiminina kulya muli bashimucindikwa, ukwiminina kulya muli bashimucindikwa babo abakalamba. Kabili bena tabali abasenshi, bena bali abacetekela.

<sup>196</sup> Ulya—ulya umukowa wakwa Moabu wafumine mu mwana mwanakashi wakwa Loti. Loti uwaikele. . . Umwana mwanakashi wakwa Loti uyo waikele na wishu, kabili aimite no kufyala umwana, kabili ulya umwana aali. . . atendeke umukowa wakwa Moabu. Kabili bena bali icilonganino icikalamba. Abakalamba, abantu abamaluba, kabili bena balikwete bacilolo ne shamfumu na balumbukwa. Balikwete ba bishopu na ba cardinal ne fintu fyonse.

<sup>197</sup> Kabili ili lyalishile ibumba lya bakakunkuluka wa mushilo, ibumba limbi, Israeli; umwina uunono uwakale uyo uushali wamufilonganino, mufilonganino ifyalekana lekana. Kabili balicitile fyonse ifyalipo pali mapu ifyali nokucitwa, ifibi pamo. Lelo ifyo cena cali, bena balikwete ubusokololo bwa bumupashi, na Lesa ali pamo nabo mu Ntumba ya Mulilo.

<sup>198</sup> Oh, Na—Ninjishiba balikwete ifintu fya bumubili, kabili abantu batile, “Ulya umwina wafyabipa nga filya, tapali nangu cimo icakucita lelo kufifumya kunse.” Lelo bena balikwete ubusokololo bwa bumupashi, kabili balikwete icilibwe icapumwa, balikwete insoka ya mukuba, bena balikwete i

Ntumba ya Mulilo iyale enda pamo na bena. Alleluya! Ninjishiba imwe—imwe muletontonkanya ukuti Ndi uwasamwa, lelo Nshili. Ndeumfwa fye bwino.

<sup>199</sup> Moneni! Ilyo Natontonkanya, “Ulya Lesa umo wine, ileelo, ekala pamo na ifwe.” Cena cicilifye busokololo bwa bumupashi ubwa Cebo. Mucine, efyo cili. Cena cacishinka Umuyayaya. Libe ilyapalwa i Shina lyakwa Shikulu! Ee, mukwai.

<sup>200</sup> Apa epo aiminine pamulu palya, uwa panshi; amabumba ya ba Baptisti na ba Presbyteriani yaliminine pa lupili, kabili basendele shimapepo wabo kunse kulya. Kabili bali fye bakapepa, kabili bukapepa ubwa musango umo wine, baleshinshimuna Lesa umo wine. Batile, “Lolesheni panshi palya pali lilya ibumba lya fisoso. Mulandu nshi, bena tabakwata ne cilonganino. Tababa nangu cimo lelo libumbafye lya bapanga ichongo, ababilikisha, bakakunkuluka wa mushilo.”

<sup>201</sup> Bushe ico cishinka? Filya fine, efyo bali. Nga ta mulecetekela ukutila bali niba kakunkuluka wa mushilo, bweleleni mu Kutendeka no fwailisha ilyo bacilwike. Kabili icisungusho calicitilwe, kabili Miriamu abulile icisekese nokuya kulya kululamba, alecilisha; ukushanina mu Mupashi, kabili Mose aimbile mu Mupashi. Nga lilya te bumba lya filya ifyo twita ukuba abantungwa. . . bakakunkuluka wa mushilo, Nshishibe ifyo cili; ukwimba no kutoloka no kulumbanya. Kabili inshita fye yonse inko shalibapatile, lelo Lesa ali pamo nabena. Bena balikwete ubusokololo bwa bumupashi, balekonka ilya i Ntumba ya Mulilo.

<sup>202</sup> Kabili Moabu atile, “Nomba, lolesheni kuno. Ifwe twalaita ba cardinal bonse na ba shimapepo bonse, kabili bonse ba shimapepo, kabili ukubafumya panse pano. Ifwe tuli nokucita icintu cimo palwa ici, pantu ifwe tuli calo ca bukapepa. Tatwakaleke ilyashi lyacimfulunganya ukusakana mu cilonganino cesu icisuma.”

<sup>203</sup> Kabili eico bali balibafumishe palya. Kabili bakulile ifipailo ikumi limo na fibili; filya ni filya fine fye ifyo Israeli akwete, ifipailo ikumi limo na fibili. Bena babikile amalambo ikumi limo na yabili pali cena, ing’ombe ishilume; filya fine fye ifyo Israeli akwete, ifyo Lesa alefwaya. Babikile impaanga ikumi limo na shibili pali cena, ukwiminako ukwisa kwa kwa Shikulu Yesu Kristu; impaanga ikumi limo na shibili mu ncende shonse.

<sup>204</sup> Bonse abalumbukwa, bashi mapepo na bonse, baliminine ukushinguluka. Bena balyambwishe ilambo. Balipepele, bena baimishe amaboko yabo kuli Yehova nokutila, “Yehova, tumfweni!” Ni cinshi ico baleesha ukucita? Kabili Balaamu wabo umukote aile nga filya, kabili u Mupashi waishile pali ena. Mucine (lelo ena ali wabumubili).

<sup>205</sup> U Mupashi kuti wawila pali bumbimunda, Baibele efyo yasosa. Mwalingu’mfwile ukusambilisha pali cilya,

nomba. “Imfula ilokela pa balungami na bashalungama.” Lelo cena cilingile ukupashanishiwa ne Cebo, palya epo mwangacumfwikisha.

<sup>206</sup> Nomba ilyo acitile, kabili i . . . ilyo u Mupashi, nangula, wali pali ena ukulanda Icishinka, alyeseshe ukutiipa Israeli, kabili alipalile Israeli.

<sup>207</sup> Nomba, nga Lesa apela fye umucinshi ku chalichi icisuma, kabili shimapepo umusuma, na kakumba umusuma, ibumba lya bantu abasambilila, Ena aali uwashingamwa no mulimo wakusumina lilya ilambo, pantu ali fye uwalungika nge fyo Israeli ali uwalungama; lelo ena takwete ubusokololo bwa bumupashi ubwa Cebo nobufwayo bwakwa Lesa. Mwachimona ico, bulya e bupusano ileelo.

<sup>208</sup> Lolesheni pali Yesu. Bena batile, “Talukeni kuli ulya muntu. Twalishiba ukuti ena mwina Samaliya. Ena alipena. Bushe walatusambilisha? Ukuba, wafyalilwe mu bucende. Iwe tawali nangu cimo lelo umwana wa mucani ku kutampa. Ba wiso ni banani? Uletila Lesa e wiso, we wamiponto! Mulandu nshi, ulephilubwa ukutweba? Ifwe twaliba bakashimikila, ifwe twaliba ba shimapepo; ukupita mu fikolwe-ifikolwe-ifikolwe-ifikolwe-ifikolwe-ifikolwe-ifikolwe-ba shikulwifwe bali bakashimikila naba shimapepo. Ifwe twafyalilwe no kukulila mu chalichi. Twalipita mu ma seminary ayapulishamo. Twalishiba i Cebo conse ku nkalata. Kabili uleesha ukutusambilisha? Nikwi uko iwe wingaya mukusambilila? Nikwisa uko iwe wingakwata uku kusambilila?”

<sup>209</sup> Atile, “Imwe muli bakwa . . . shinwe ciwa,” efyo Yesu asosele.

<sup>210</sup> Tabakwete ifishibilo ne fisungusho pakati kabo. Tabakwete ukundapwa kwa bu Lesa ne fintu pakati kabo. Bena tabakwete amapalo pakati kabo. Lelo Yesu ali mucine ubusokololo ubwa bumupashi ubwa Malembo.

<sup>211</sup> Batile, “Mulandu nshi, calilembwa *ici-ne-ci*.”

<sup>212</sup> Kabili Yesu atile, “Ee, nakabili calilembwa.” Lelo Lesa ashininkishe umuntu Wakwe ku fishibilo fyakwe.

<sup>213</sup> Petro alandile cimo cine, mu Milimo ya Batumwa 2, atile, “Imwe mwebaume bamu Israeli; Yesu waku Nasareti, u Muntu uwashininkishiwa na Lesa pakati kenu, ne fishibilo kabili ifisungusho ifyo Lesa acitile ukupitila muli Ena mukati, kabili ifyo imwe bonse mwaishiba.” (mwachimona ico) “Ena ukupokololwa kuli ba . . . kuli ba- . . . ku Kabungwe ka Sanhedrin akakalamba kulya. Lelo kukwishibila kalibela kwakwa Lesa, Lesa ukumulashikila kalibela Ena ku kufwa kuli iyi mfwa. Namumupela Ena nobunkalwe ne ndupi sha bubifi. Imwe na mutanika Cilolo wa Mweo, Uo Lesa aimishe. Kabili ifwe tuli nte kuli cena.”

214 Whew, we kashimikila we! Tacitile...ena taishibe nokulemba ishina lyakwe umwine, lelo aalishibe Lesa. Batile bena “balyumfwile kuli ena ukutila ena ali pamo na Yesu.” Mucine, cena busokololo bwa bumupashi. Oh, owe. Nomba, mwacimona ico.

215 Kaini ali fye muli ulya umulongo, cilya ichalichi ca buntunse caba mu mulongo umo wine ileelo. I Chalichi ca Bumupashi cicili calikwata i Ntumba ya Mulilo, cicili calikwata ifishibilo, ifisungusho, cicili calikwata Kristu umo wine; ico cileshininkisha ukufuma konse kulya ku mwana wa mpaanga uwalefwa, kabili mwi bala lya Edeni, mpaka Ukwisa kwa cibili ukwa Mwana wa mpaanga. Mucine, cimo cine mailo, ileelo, no muyayaya.

216 Kabili ulya umulongo wakwa Kaini, uwabukapepa kabili ukwishibisha kabili ukusambilila, ukuya fye mu musango umo wine; umo wine fye, cila bushiku umusango fye umo wine. Bakasusha na bakacusha, nge fyo Kaini ali kuli Abele, efyo baba ileelo, kabili efyo caba kabili lyonse efyo cikaba; aba bumubili, abashacetekela. Cilya cishinka.

217 Nomba Ukutendeka 3:8, elyo kabili Ninembapo 20 apa, Nacilalolesha pa kashita akapitapo:

*Kabili Adamu aitile . . . Kabili Adamu aitile umukashi wakwe . . . Efa; pantu ena ali nyina wa fya mweo fyonse.*  
(mwamona, cilya cali panuma ilyo uku kubeleleka kwacitike)

218 Kaini ali . . . “Nomba loleleleni!” Imwe mutila, “Nga insoka kuti yacita shani, insoka?”

219 Lelo, munyina, mona apa, Baibele taisosa ukutila ali ni nsoka; Baibele itila, “Ena ali uwacenjela nganshi pafya mweo fyonse ifyali mwibala.” Ena tali icikulika, ali iciswango. Ali i . . . Kabili kulya . . .

220 Kabili lekeni mupele fye ici nge cishibilo icinono pakati kesu, nga kuti mwacita. Palya epo scienci yasanakanishiwa. Icintu icapalamishako ico bengasanga ku muntu, ni sokomuntu. Ni banga abaishiba cilya? Lelo kuliko icintu cimo pakati palya. Teti bapange amafupa yakwa sokomuntu ukukumana namafupa ya muntu, lelo cena ecintu icapalamako nganshi. Bena kuti bamuleta ukufuma kuli cula umunono. Bena kuti bamuleta ukufuma kuli tombolilo. Bena kuti bamuleta ku kuba inama kabili inama iili yonse. Bena kuti ba muleta kukuba icibuli. Iwe nga wasenda icibuli nokucifundulula inkanda ukufuma kuli cena, cena cilifye ngo mwanakashi umunono. Icintufye cimo cine. Ukumubwekeshamo nefintu fyonse, ukubeminiika palya nokuya tinta umwanakashi nga . . . ukumwiminika nga filya. Cena cabafye cimo cine nga i—nga i—nga icibuli. Ulukasa lwabafye cimo cine, kabili ukuboko kwaba nga ifi, kwati fye

muntunse. Lelo chimpanzee alesa mukupalama nganshi ukucila cilya. Caba fye mupepi, lelo bena teti bacisange.

<sup>221</sup> Iyi apa inkama iinono, nga mulefwaya ukuishiba yena. Namwishiba apo ibelele? Cena califiswa kuli bena. Bena kuti baimba amafupa yonse ayo balefwaya. Bena kuti baimba. . . Abashula kuti baimba, na scienci, kabili ulya—kabili ulya kalapashi uupima inshiku nenshita kuti apima ifipimo fya nshita no mulingo wama atomic lelo tabakatale ukucisanga. Pantu ilya yali ninsoka iyali kwati muntu ukucila pacintu conse icashala icali pesonde, kabili Lesa amutipile nokumubika pefumo lyakwe, kabili abwelele mulipelepele ku busoka ukwabula necimpasho icili conse ku muntu. Nomba kufwena fye umutwe wenu, bakalapashi ba scienci, kabili lekeni basende cilya pakashita.

<sup>222</sup> Lelo Baibele ilanda ukutila, “Ena ali uwacenjeleshapo pa finama fyonse ifyali mwibala.” Cilya cishinka. Ewali ulya umulundo uwaiminina pakati ka muntu na kolwe, na Lesa ali mutipile no kumubika ukulakulika pa lufumo lwakwe pa mulandu wa—wa cintu ico acitile. Ena abeleleke uyu mwanakashi, kabili ena afyele umwana wakwe uwakubalilapo uyo wali ni Kaini, panuma ya mibele yakuputwamo kwa nsoka iine, ciwa, ulya waingile mu nsoka, uwacitile cilya.

<sup>223</sup> Elyo kabili aimite nokufyala, aimite kabili panuma yakubelelekwa. Nomba moneni, ena amubeleleka, ena ali fye mupepi. . . Ukuba, alicitile icilubo. Lelo ena, mucituntulu, ali mwifunde ilyo aimite ku mulume wakwe, pantu cilya limbi cali iingi, imiku iingi panuma, imyeshi iingi nenshiku ishingi panuma; teti ucilondolole cilya, tatwaishiba, lelo ena alifyele kuli Adamu.

<sup>224</sup> Kabili umo muntu nakwata ilipusho, ukusosa, “Ukuba, umwana umwaume. . . atile ena aleya. . . Nge fyo Kaini afyelwe, atile ena ‘akwete umwana wakwa Shikulu.” Mukupwililika, mucine, calingile ukuba. Cali lifunde lya cifyalilwa. Filya ni filya fine fye umusango mwabelamo ileelo. Ilyo mwafyalwa, Lesa teka fye panshi no kumulenga imwe. Imwe muli lubuto lwa bashinwe na banyinenwe. Kabili imwe mukaba i. . . kukaba i. . . abana benu bakaba bana benu. Cena kupangulula inshita yonse, ukuya fye panshi, nge fimuti fya mbuto ne fintu nga filya; lelo ukubwelela ku kutendeka. Ndesubila cilya cilelondolola cena.

<sup>225</sup> Ni nshita nshi tukwete? Tatukwete nangu imo. Kutikeni kuli ili limbi ilisuma ililekonkapo. . . ilyo tukabula pa Mulungu: “Ku Mupashi umo ifwe bonse twalibatishiwa mu Mubili umo. . .” (Kuti twatemwa ukwishiba cilya.) “. . . Kristu.” Pa nshita. . . Nomba, Ndetontonkanya ukutila Mbulepo Amalembo yamo, Amalembo ayasuma pali cilya [Munyina Branham aasuka ici mu Ciputulwa ca II, ilipusho 60—Kale.].



226 Ili apa limo ilisuma, kwatifye...Kuti mwansuminishafye pali miniti umo nangu yabili, ukwasuka ici? Cena kuti ca yasuka icine.

**59. Ilyo—ilyo mwasosa “aba bifi tabakapye Umuyayaya,”...** (Well, nomba Nalenga Inte shakwa Yehova ukubutuka, bushe Nshicitile?) ...**Ilyo mwasosa ababifi tabakapye u Muyayaya, bushe mulepilibula ku mboo nangu muli bemba wa mulilo? Nalishiba calilanda mu Kusokolola** (ilya ni capitala 20) **ukutula imboo ikaposwa muli bemba wa mulilo. Nga tabakapye u Muyayaya, lyena ni cinshi icikacitika kuli bena?**

227 Apapene fye Napwisha fye ukusosa, munyina nangu nkashi, onse uo cali; bena bakapwa, takuli nangu cimo kuli bena. Balikwete ukutendeka, kabili palya bakapela; takulifye nangu cimo nomba. Nga bena...nipanshita nshi ubutali bena bakapya, cilya cintu cakosa ukulanda. Lelo, loleshesni, kulya...

228 Nga imwe kuti mwasenda fye ici mu mano yenu, mwamona, cena cintu caanguka nganshi. Kwaba fye umusango umo uwa Mweo wa Muyayaya, kabili ulya wisa ukupitila muli Lesa Umwine. Kabili Lesa fye eka e Mweo wa Muyayaya. Nga imwe muli no kwisa fye umu mucitabo ca mashiwi, fwayeni ishiwi lyaci Greek *Zoe*. *Zoe* yaba “Umweo wa Muyayaya.” *U Mweo wa Muyayaya* ni “Les.” Kabili Yesu atile, “Ndepela kuli bena u Mweo wa Muyayaya.” Kabili nga muli no kufwaya umu mucitabo ca mashiwi, citila, “*Zoe*.” Ulya e Mweo wa Muyayaya fye weka uwabako. Takwaba incende muli Baibele apo Yena ilanda ukuti kukaba imboo ya Muyayaya, yena itila ukuti bakapya “pe na pe.”

229 Nomba, pakufika kwi shiwi *pe*, lolesheni pali, *inshita iyabula impela*. Bushe mwacimona *apa*, muli Baibele? Ni banga abatala ukucumfwapo cena casosa, “Kabili inshita iyabula impela ne nshi-...”? Nibanga abaishiba ukutula *aeon* ni *nshita iyabula impela* cena “ciputulwa ca nshita”? Mulandu nshi, mucine, uuli onse alishiba ukutula *inshita iyabula impela* cena “ciputulwa ca nshita.”

230 “Kabili bena bakapya panshita iyabula impela,” filya fiputulwa fya nshita. “Ukuposwa muli bemba wa mulilo, kabili bakapya panshita iyabula impela.” *Aeons* cilepilibula “ifiputulwa fya nshita.” Bena kuti bapya pa myaka ba milioni umwanda mukukandwa lelo, mukulekelesha, balingile ukufika ku mpela; ku kupwa, bonse capamo. Mwamona, pantu icintu conse ico icishaba icapwililika caba icapilibulwa ukufuma ku Capwililika; kabili calikwete ukutendeka, eico cilingile ukukwata impela.

231 Lelo ifwe fwe bacetekela muli Shikulu Yesu Kristu twalikwa *Zoe*, “Umweo wakwa Lesa Umwine” muli ifwe, kabili twalikwata u Mweo wa Muyayaya. Tekukwata umweo wa pe na

pe, umubembu akwata umweo wa pe na pe, lelo twakwata “u Mweo wa Muyayaya.”

<sup>232</sup> Munyina Cox, te kale sana, aliikele mu musebo wandi libe tatulabikamo. . . panuma ilyo twabikilemo amabwe mulya, kabili atolele akanono, akakale akalifupa, kabili atile, “Munyina Branham, kali nemyaka inga aka?”

<sup>233</sup> “Oh,” Natile, “ukupima nenshita, limbi kuti mwasosa ukutula kali nemyaka amakana ikumi. Kamo akapala akanono, akakale akaswango kamumenshi akaikele panshita imo, akanama akanono akamumenshi, limbi kaikele kumyaka ya kunuma mu nkulo ishapita.”

<sup>234</sup> Atile, “Tontonkanya fye ifyo ubumi bwa buntunse buli kuli *ulyu* umweo.”

<sup>235</sup> Natile, “Oh, lelo, munyina, cilya cintu calikwata impela, lelo u Mweo uo twakwata muli Kristu tawakwata impela. Cilya limbi kuti caikala kubili nangu kutatu *ukwikalilila*, lelo tacakatale kwata u Mweo wa Muyayaya, pantu u Mweo wa Muyayaya ufumina kuli Lesa eka.”

<sup>236</sup> Umuyayaya, “Uyo uumfwa Ifyebo Fyandi no kucetekela muli Ena uyo wa Ntuma, nakwata u Mweo wa Muyayaya kabili TAKATALE ukwisa ku bupingushi lelo nafuma mumfwa aingila mu Mweo.” Mwacimona ico, imwe mulakwata u Mweo wa Muyayaya pa kuba uwacetekela. Uushacetekela aba no mweo wa pe. Uwa Muyayaya. . . uwacetekela akwata u Mweo wa Muyayaya, kabili teti onaike pantu Wena wa Muyayaya.

<sup>237</sup> Lelo uwacetekela, ena akaya. . . Uushacetekela akapita mwi sonde, akakwata ubulanda, amacushi; ico aleita ukukwata inshita iikalamba, “whoopee, ukukwata inshita iikalamba.” Abanakashi, umwangashi, ne nshita iikalamba, ena atontonkanya ukuti aletwalilila. Akafwa, akaya muli bema wa mulilo ne mingu iyo iipya, uko ukocewa kulecitika pe na pe, kabili nalimo pa myaka ba million umwanda umweo wakwe limbi kuti wacushiwa muli bema wa mulilo ne mingu.

<sup>238</sup> Ine. . . Mwatila, “Bushe cikaba fye nge mingu yawe yawe?” Ndecetekela cikaba imiku ba milioni ukubipishapo ukucila cilya. Ndecetekela teti ucilondolole ku mulilo, ku mulilo uutuntulu. Umulandu fye cabikilwa “ku mulilo,” ulya umulilo ecintu icipwishishisha nganshi ico twakwata. Cena mukupwililika cilapwishishisha no konaula ifintu fyonse, umulilo ulacita. Ukuba, nomba, cikaba mulya, lelo ukakwata umweo uyo uukakandwa ukupitila munshila yapala. . .

<sup>239</sup> Nomba, mulingile ukumona ishiwi *umulilo*, pantu u Mupashi wa Mushilo ubomfiwa “u Mupashi wa Mushilo no mulilo”; pantu umulilo wa Mupashi wa Mushilo uloca ukufumyapo ulubembu, mwamona, nokulenga ukuba bwino.

<sup>240</sup> Lelo *uyu* umulilo, ufuma ku mboo, wena catile “bemba wa mulilo.” Kabili lyonse eflyo caba, cena kukandwa nokulungulusha. Umuntu uwa fyuma ainwine amenso yakwe, ukuba ku mboo, kabili atile, “Tumeni Lazaro na menshi ayanono patukumo twakwe, ayabike pa milomo yandi, pantu ishi mingu shile nungulusha ine.” Mwitontokanya ukutula takwaba imboo iilepya, kabili imboo iituntulu, eko yaba. Nga kwaliba ciwa umutuntulu, kwaliba imboo iituntulu.

<sup>241</sup> Lelo, mulemona, ifintu fyonse ifyo ifyapilibulwa fyalikwata impela kuli fyena, pantu cena mukulekelesha cilingile ukubwelela kuli kulya ukusanguluka no mushilo wakwa Lesa. Kabili Lesa wa Muyayaya; kabili nga twalikwata u Mweo wa Muyayaya, Lesa aba muli ifwe, kabili ifwe teti tufwe nakabili ukucila ifyo Lesa engafwa. Mwachimona ico.

<sup>242</sup> Nomba, umusela mucine uleilondolola Uwine, mwamona, nokucilenga ukuba icalungama. Nomba, natumone, Nalikwete i. . . Nshishibe nga cakutula. . . Ee:

**“Cinshi cili—cinshi cili nokucitika kuli bena?”**

<sup>243</sup> Bena balapwa, takuli nangu cimo kabili kuli bena: umweo ulaya, umupashi ulaya, ubumi bulaya, umubili ulaya, amatontokanyo yalaya, ukwibukisha kulaya.

<sup>244</sup> Kabili takwakabe na matontokanyo nakabili ayabipa, nangu ico catalile, ukutala ukucitika, mu Bukata. Cilya cishinka, cena conse cikaba. . . Bushe kuti mwaelenganya, ukutula pano pali no kuba abantu kuno lubali muli ici ciputulwa. . . ?

<sup>245</sup> Bushe Baibele taisosa, “Na matontokanyo ya babifi yakonaika”? Amatontokanyo yene aya cena yakakonaika.

<sup>246</sup> Pano pali no kuba umwaume *kuno* lubali, uyu apa Lesa Umukalamba uwa Mushilo Umo *pano*, kabili ukwishiba ukutula kulya kwine kwishilya kuli icilindi ne myeo iilepya muli cena? Mulandu nshi, cilya teti cibe Umuulu. Amatontokanyo yene, ukwibukisha kwine, ifintu fyonse ifyo ifyapilibulwa, itontokanyo lyonse ilyabipa, ifintu fyonse fili no konaika, nefintu fyonse ifyo fyaba ifyabipa muli cena. Kabili tatwakabe nangu cimo lelo ukusanguluka, na *Zoe*, u Mweo wakwa Lesa; ku Muyayaya, nenkulo ukutwalilila ukufunguluka, nokutwalilila, nokutwalilila, nokutwalilila; Cena tacakatale acipwa, cikaba Umuyayaya!

<sup>247</sup> “Bena baile mukukandwa ukwa *pe-na-pe*, lelo abalungami baile mu Mweo wa Muyayaya.” Mulecumfwa cena? Ukukandwa kwa *pe-na-pe*, u Mweo wa Muyayaya, webupusano we!

<sup>248</sup> Nomba, mwamona, cena tacilecita. . . Nomba, Ninjishiba, kuli imwe, mwebatemwikwa bandi abanono, Nshi—Nshilepilibula ukweshwa ukuipela ne mwine ngo waishiba fyonse. Nga Nacita cilya, . . .

249 Nomba, Ninkwata yatatu nangu yane na yambi amepusho ayasuma. Nkayabula pa Mulungu ulucelo, Shikulu nga asuminisha.

250 Nomba, lolesheni. Mwamona, aya mepusho ayaleima. Ndi kashimikila wakale. Ni—Ni—Ni—Ninkwata imyaka amakumi yabili na mutanda mu bupyungishi. Kabili Nde—Ndetasha nganshi pali ici, ukutula kuti Nasosa ici, mwe... Nshatala eshapo ukuleta icintu icili conse mu mweo bwandi ukwabula mukubalilapo cena ukusokololwa. Kabili Ndi uwatotela nganshi ukutula Malaika wakwa Shikulu... Ico Nshakwete amasambililo, ukwabula ukwishiba. Kabili uyu Malaika aikile, kabili aba ubwafwilisho bwandi ubwatumwa ukufuma kuli Lesa. Kabili Ena tatala ukunjeba icintu cimo lelo ico mucine icasuntinkana ukufuma ku Kutendeka ukufika ku Kusokolola na cilya, icakutula mpaka... Nalilembele mukwangufyanya ilyo Atile “Kabili iwe—kabili iwe uli nokusenda ica bupe ca bundapishi bwa bu Lesa.” Kabili Nacilembele ukulinganafye nenshila Acilandilemo.

251 Kabili nalimo imyaka itatu kuntanshi, mushika alitile amano yandi—yandi kuli cena, atile, “Munyina Branham, bushe wacimona cilya? Cilya cili icapwililika nganshi mpaka Ena akwebele ‘icabupe.’”

252 Mwamona, tatalile ukusosa “icabupe.” Kabili cila—cila umo muli Baibele... ica bupe conse caba “ica bupe” lelo ubundapishi bwa bu Lesa, kabili cena caba “ica bupe.” Cena “fya bupe fya kundapa.” Imwe kuti mwakwata imisango yonse iya fya bupe fya kundapa, inshila ishapusana pusana. Lelo, conse cimbi caba “ica bupe”: “ica” bupe ica kusesema, “ica” bupe ica *ici*. Lelo ubundapishi bwa bu Lesa bwaba mubwingi: “ifyabupe.” Kabili Nshatala monapo cilya, ukutula u Mupashi wa Mushilo waba uwapwililika nganshi. Oh, abe uwapalwa Shikulu!

253 Bushe muleiluka ukutula u Mupashi wa Mushilo umo wine uyo walembele ilya Baibele, ne myanda ya bantu, imyaka imyanda ukupusana... kabili tapali nangu umo pali bena uwapatulwike ukufuma ku munankwe, cila umo pali bena ali uwapwililika; kabili umo tatalile no kumfwapo pa munankwe.

254 Kabili Paulo aile kulya, kabili ali kulya mu Arabia, kabili tatalile no kutandalila Yerusalemu pa myaka ikumi limo na iine, lelo ali kulya mu Yerusalemu kabili kulya... afumineko... tatalile ukuya ku Yerusalemu. Lelo mulya mu Arabia, kabili atendeke ukushimikila, tatalile nangu kumonapo Petro na bonse abashala pa myaka ikumi limo na iine. Kabili ilyo bakumene capamo, bena bareshimikila icintu cimo cine: ulubatishe lwa mu menshi mwi Shina lyakwa Yesu Kristu, no bundapishi bwa bu Lesa, na maka yakwa Lesa.

Oh!

Ndi uwa nsansa nganshi kuti Nasosa Ndi umo  
pali bena.

Umo pali bena, Ndi umo pali bena,  
Ndi uwansansa nganshi kuti Nasosa Ndi umo  
pali bena; (Alleluya!)

Umo pali bena, Ndi umo pali bena,  
Ndi uwansansa nganshi kuti Nasosa Ndi umo  
pali bena.

Kwaliba abantu mupepifye nakonse,  
Abo imitima yabo yonse yaba iyabilimuka,  
Na uyu u Mulilo uwaponene pa Pentecosti,  
Uwasangulwile no kubalenga ukuba  
ababusaka;

Oh, Ulebilima nombamba mu mutima wandi,  
Oh, ubukata kwi Shina Lyakwe!  
Ndi uwa nsansa nganshi kuti Nasosa Ndi umo  
pali bena.

Bena bakolongene mu muputule wapa muulu,  
Bonse balepepa mwi Shina Lyakwe,  
Babatishiwe no Mupashi wa Mushilo,  
Namaka ya mulimo yaishile.  
Nombamba ifyo Abacitile bulya bushiku  
Ena ali no kumucitila cimo cine,  
Ndi uwa nsansa nganshi kuti Nasosa Ndi umo  
pali bena.

Ndi umo pali bena, Ndi umo pali bena,  
Ndi uwansansa nganshi kuti Nasosa Ndi umo  
pali bena; (Alleluya!)

Umo pali bena, umo pali bena,  
Ndi uwa nsansa nganshi kuti Nasosa Ndi umo  
pali bena.

<sup>255</sup> Umfweni, Nimikwatila imbila iinono imwe:

Isa, munyinane, fwaya ili ipaalo  
Ilikawamya umutima obe ukufuma  
kulubembu,

Lilya ilikatendeka ukulisha imbelu sha nsansa  
Kabili likasunga umweo obe uwabilima;  
Oh, Ulebilima nombamba mu mutima wandi,  
Oh, ubukata kwi shina Lyakwe,  
Ndi uwa nsansa nganshi kuti Nasosa Ndi umo  
pali bena.

<sup>256</sup> Bushe tamuli abansansa ukutila muli umo pali bena? Cena ni cinshi? Cena Mupashi ulya uusokolola. Cena busokololo bwakwa Lesa, “Pali ici cilibwe.” Nshilesakamana nga umukalamba waba shimapepo . . .

257 Shimapepo wa ku Katolika aikele, te kale sana, mu ng'anda yandi. Kabili atile, "Mista Branham, Naisa mukukwipusha ilipusho."

Natile, "Cisuma, mukwai."

258 Atile, "Ninkwata inkalata pano ukufuma kuli ba bishopo, ukwisa kuli iwe."

Natile, "Cisuma, mukwai."

259 Atile, "Amashiwi ayo walalanda, bushe walaikata ukuboko kobe nokulapa mucine ukutila walasosa icishinka?"

260 Natile, "Nshacicite." Natile, "Baibele yatila, 'Wilatala ukulapa, ku myuulu nangu kwi sonde (pantu epakunyanta amakasa Yakwe). Leka ukusumina kobe kube iyoo na ee.' Nga bishopu alefwaya ukumfwa ifyo Nkwete ukulanda, ali no kusenda icebo candi pali cena. Nga tacicitile, Nshilapa."

261 Uyu shimapepo munono kuno Sacred Heart church, atile, "Bushe walibatisha Pauline Frazier pa bushiku *ubu-nobu*?"

262 Natile, "Nalicitile, mukwai, mulya mu Mumana wa Ohio."

263 Atile, "Musangonshi wa mubatishe?"

264 Natile, "Namubatishe nokumwibisha mu menshi mwi Shina lyakwa Shikulu Yesu Kristu."

265 Alicilembele. Atile, "Nawishiba, ichalichi ca Katolika calebatisha nga filya."

Natile, "Lilali?"

Atile, "Mu nkulo ya kubalilapo."

Natile, "Ni nkulo ya kubalilapo nshi?"

Atile, "Ukuba, pa kutendeka."

Natile, "Ukutendeka nshi?"

Atile, "Muli Baibele."

Natile, "Bushe ulepilibula ukute- . . . mu—mu basambi?"

Atile, "Ee."

Natile, "Bushe mwita ba Katolika, nangu, ba—ba . . . ? Mutila abasambi bali ni ba Katolika?"

Atile, "Ee, efyo bali."

Natile, "Natontonkenye ukutila ichalichi ca Katolika tacapilibwilwe?"

Atile, "Tacicita."

266 Natile, "Nomba cinshi ico Petro alandile, 'Lapileni, no kubatishiwa mwi Shina lyakwa Yesu Kristu'? Kabili mutila ukuti aali . . . ukutila ena ali ni papa?"

267 "Ee."

268 “Nomba mulandu nshi mubatishisha mwi shina lyakwa ‘Taata, Mwana na Mupashi wa Mushilo?’ Kabili alibishe, kabili imwe musansafye. Nomba cinshi icacitika?”

269 Atile, “Lelo, mulemona,” atile, “ichalichi ca Katolika calikwata amaka yakucita icintu icili conse ico balefwaya ukucita.” Huh.

270 Natile, “Kabili iwe wacita abasambi ukuba ba Katolika?”

271 Atile, “Ee.”

272 Natile, “Mukwai, Ninkwata Yosefus, Ninkwata *Foxe’s Book of Martyrs*, Ninkwata ilyakwa Pemberman *Early Ages*, Ninkwata ilyakwa Hislop *Two Babylons*, amalyashi ayakale nganshi ayo ayabako mwisonde, nangisheni mulya umo ichalichi ca Katolika catalile ukulashikwa nangu ukutala ukwisa mu kabungwe. . . imyaka imyanda mutanda panuma ya mfwa ya mutumwa wakulekelesha.”

“Oh,” atile, “twacetekela ifyo ichalichi cisosa.”

Natile, “Nalicetekela ifyo Baibele isosa.” Mwamona?

“Cinshi,” atile, “Lesali mu chalichi Cakwe.”

273 Natile, “Lesali mu Cebo Cakwe.” Kabili Natile, “Nga. . .” Atile. . . Natile, “Baibele taisosa ukutala Lesali mu chalichi Cakwe, lelo Baibele isosa ukutala Lesali mu Cebo Cakwe. ‘Mukutendeka kwali Cebo, kabili Cebo ali pamo na Lesali, kabili Cebo ali ni Lesali; kabili aikele pakati kesu.’” Cilya cishinka. Natile, “Lesali mu Cebo Cakwe.”

274 Afumine nokuya shimika cilya. Atile, “Ukuba, ifwe teti tulakishanye,” atile, “pantu iwe wacetekela muli Baibele, Ine nacetekela mu chalichi.”

275 Natile, “Nacetekela ukutala Baibele yaba Cebo cakwa Lesali icaputwamo kabili tamwaba ukupililikana muli Cena. Kabili Cena Cebo cakwa Lesali, amapange Yakwe aya Muyayaya ku nkulo shonse ishili nokwisa. Atile, ‘Imyuulu ne sonde fikapita lelo i Cebo Candi tacakapite.’” Cilya cishinka. Nalicetekela i Cebo.”

276 Aile kuli Misisi Frazier. Atile, “Misisi Frazier, bushe kuti wafwatika pepapala apa ukusuminisha ukuti umwana obe umwanakashi kuti abali membala wa chalichi ca Katolika?”

277 Atile, “kuti Natemwapo ukwenda nankwe ku nshishi.”

278 Atile, “Casoni kuli iwe.” Atile, “Iwe ulingile ukuba uwakutotela ukutala ulya umukashana alefuma muli bulya ubuwelewele, mukati ka chalichi ca Katolika.”

279 Atile, “Nga cakutala cali niwe we mukashana ukwisa ku chalichi candi, ni cinshi ico wingalanda pali cena?”

280 “Oh,” atile, “cilya nacipusana.”

281 Atile, “Iyo, cena tacili.” Ena alishibe ukutila ena ali kucifulo cimo ilyo ashile ulya mwanakashi umunono kulya kunse. Ena alishibe ukutila ali kucifulo cimo. Atile, “Nomba, iciibi cimo cine nacisuka ico wacishilapo.”

282 Mwamona, ilya e nshila. Mwiba abacimfiwa, tamulingile ukuba abacimfiwa. Lesa nga ali naimwe, ninani wingamwimina? Nacilungama! Ubwafya bwa ici ileelo, iwe ukwete ifupa lya subilapo mu cifulo ca mongololo. Iminina pali Lesa ne cishinka!

283 Mupashi wa Mushilo Umo wine uyo waishile pali balya abatumwa no kubwekela mu nshita, acili mu Chalichi Cakwe ileelo, balya abo Lesa aisokolola Umwine eka. “Te uyo uufwaya, nangu uyo uubutuka, lelo Lesa uyo uulangisha uluse.” Cena ni Lesa, kukusala Kwakwe, ukuleta abantu no kwisula amenso yabo. Imwe teti mutale ukucimona Cena, imwe muli mpofu, kabili teti mutale ukumona kano fye Lesa aisula ukwiluka kwenu. Baibele itila muli mpofu, kabili teti mumone. Tacilekabila imwe ukwesa. Namasambililo yonse, ifyakutungilila amasambililo ifyo mwingakwata, muya mulepofwilakofye.

284 Nomba, imwe mwe Chalichi cakwa Kristu pano, imwe “landeni apo Baibele ilelanda, no kuba tondolo palya yaba tondolo,” nga pali fimo ifya Ici? Muli tondolo nganshi pali Cilya. Nacilungama.

285 Mwamona, cisenda Icishinka ca bumupashi icasokololwa. Nomba Lesa aleka no kuisokolola Umwine no kushininkisha Cena ukuba Icishinka. Ameni! Bushe mwali Mutemwa? Efyo na Ine. Ameni.

286 Cisuma, imwe bonse ba Methodisti mulefwaya ukuposhanya mu minwe na ba Baptisti nomba? Imwe ba Presbyteriani?

287 “Nomba,” mutila, “Munyina Branham, bushe ulasukula ba Baptisti na ba Presbyteriani abo aba shiba- . . . ?”

288 Iyoo, mukwai, Nshicicita. Nabasenda ukuba ba munyinane. Mukupwililika! Nshilesakamana nga tawabatishiwe napo nakalya, nga mwabatishiwe mwi shina lya “Nsalankwale yaku Sharoni, Cananika uwa Mupokapoka, kabili u Lutanda lwa Lucelo,” cilya nga tacakwete. . . cilya kuti caba fye cimo cine na “Taata, Mwana, Mupashi wa Mushilo.” Ifyakulumbwilako fye fitatu. Ena aali ni Nsalankwale yaku Sharoni. Bushe Ena aali? Cananika uwa Mupokapoka, Ulutanda lwa Lucelo, fyonse filya. Mucine, Ena efyo aali. Icintu fye cimo nangu cimbi. Lelo ici apa efyo cili: inshila iyalungama iya Malembo yaba mwi Shina lyakwa Yesu Kristu. Nga mulefwaya inshila ya mu Malembo, cilya ni filya finefye. Ilya e nshila uwayana.

289 Nomba, nga mwali batishiwa mwi shina lyakwa “Taata, Mwana, na Mupashi wa Mushilo,” ndeumfwa kwati cili fye bwino, ameni. Nga cakutila kwasuko ubusuma kuli Lesa



kuli kampingu uwafumaluka kuli Lesa, ameni. Twalilila fye, mwamona.

<sup>290</sup> Lelo ukulingana fye nefyo Naishiba, ukulingana fye ne ciputulwa candi, nga mwali njipwishe, ukutila, “Munyina Branham, bushe Ningile ukubatishiwa nakabili?” Kuti nasosa, “Ee,” kuciputulwa candi.

<sup>291</sup> Umwanakashi umunono alishile kuno ubushiku bumbi, atile, “Shikulu alinjita ukuba kashimikila.” Nshacitetekela cilya, ukucila cila nge fyo Nacetekela ukutila—ukutila ena kuti atoloka umweshi. Kabili ena . . .

<sup>292</sup> Natile, “Ukuba, ico cisuma sana, nkashi.” Natile, “Bushe walyupwa?”

“Ee.”

“Walikwata abana babili?”

“Ee.”

Natile, “Nicinshi . . .? Bushe umulume obe alipusuka?”

“Iyoo.”

Natile, “Ni cinshi ico uli no kucita na ena?”

“Nkalamusha ku ng’anda.”

<sup>293</sup> Natile, “Cilya ecambi icawamishapo ico kasebanya atala ukukwatapo. Ulimwanakashi umusuma mukubalilapo, kabili ulesokelela ukufuma ukwisa mwibala, ukaba icambi ica nshita yonse kabili uwakutontomeshapo kuli kasebanya. Nomulume obe, ku ng’anda, umwaume wacaice, kabili ukalamusha naba abana babili; akatampa ukwenda no mwanakashi umbi, naba abana abana bakakwata wishi naumbi bumo pali ishi nshiku.” Natile, “Icakubalilapo, nga cakutila Lesa aitile umwanakashi, Ena alisusha i Cebo Cakwe.” Natile, “Nomba, nga ulefwaya ukucita, cilya cili fye bwino.” Natile, “Nomba, ukulingulula, uletila Shikulu alikupela ukulingulula. Bushe ulefwaya ukuya kulya, ku ntanshi, no kucesha?”

<sup>294</sup> Atile, “Ee.” Nokumona icikacitika.

<sup>295</sup> Mwamona, cena kumfwa bwino. Cena cilingile ukwisa ku Cebo. Nga cena tacili mu Cebo, ninshi cena tacili icalungama. Nshilesakamana ifyo imyumfwile yobe ili, tacili icalungama. Ameni! Cilya cileumfwika bwino. Ameni!

<sup>296</sup> Cisuma:

Tuli nokwenda mu Lubuuto, u Lubuuto  
ulwawama nganshi,  
Iseni uko umume waluse ubengeshima;  
Ukubalika pali ifwe akasuba no bushiku,  
Yesu, e Lubuuto lwe sonde.

Bonse mwe ba mushilo aba Lubuuto  
 bilikisheni,  
 Yesu, u Lubuuto lwe sonde;  
 Lyena imbelu sha ku Muulu shili nokulila,  
 Yesu, e Lubuuto lwe sonde.

Tuli nokwenda mu lubuuto, ulubuuto  
 ulwawama nganshi,  
 Iseni uko umume . . .  
 Ukubalika pali ifwe akasuba no bushiku,  
 Yesu, e Lubuuto lwe . . .

<sup>297</sup> Nomba Ndefwaya onse umuntu ukupilibuka no kuposhanya mu minwe, munshila shine, no muntu onse nomba, ilyo tuleimba ulu nakabili:

Tuli nokwenda mu Lubuuto, u Lubuuto  
 ulwawama nganshi, (Ameni!)  
 Iseni uko umume waluse ubengeshima;  
 Ukubalika pali ifwe akasuba no bushiku,  
 Yesu, e Lubuuto lwe . . .

<sup>298</sup> Bushe mwalitemwa ba Methodisti? Landeni, “Ameni.” [Ulukuta lwatila, “Ameni.”—Kale.] Ba Baptisti? Ba Presbyteriani? Ba Katolika? Ba . . . oh, bushe mwali batemwa bonse? Landeni, “Ameni.” [“Ameni.”]

Tuli nokwenda mu Lubuuto, ulwawama . . .

Ukuposhanya mu minwe, ilyo tuleya.

Oh, iseni uko umume waluse ubengeshima;  
 Ukubalika pali ifwe akasuba no bushiku,  
 Yesu, e Lubuuto lwe . . .

<sup>299</sup> Ilyo tatulaimba ulwimbo lwesu ulwa kusalanganinapo . . . Nomba, kuti cacitwa ukutula Nkaba kuno nakabili pa Mulungu. Nomba, panuma ya cilya Nshakabwele nakabili mpaka pa panuma ya Chimishimishi. Mwamona, pantu Ndeya ku Michigan, ukufuma ku Michigan kuya ku Colorado, ukufuma ku Colorado kuya ku Idaho, ukufuma ku Idaho kuya ku California, kabili nomba elo tukabwela. Kabili kuti cacitwa (Ndefwaya imwe unikumpepelo) Nkaba ku Waterloo, Iowa, ukutendeka pa Kabengele kanono twente-fole ukufika pa Kabengele kakalamba ubushiku bwa cibili. Mwamona, cilya icikulwa icikalamba kulya, Nacipokelela lamya inshita iinono iyapitapo, kabili Ninkwata ukufuma nomba ukufika pa Mulungu ukupepa. Mwamona, pa Waterloo, Iowa, apo apali mupepi nomba.

<sup>300</sup> Lelo nomba, ibukisheni, mukakutike ku mulabasa wakwa munyina pa naini koloko, pa Cibelushi ulucelo. Twalamwita no kumulenga ukwishiba. Kabili cilya cikaba pa WLRP, ibumba lyaba kemba ilyaba Neville pa naini koloko, pa Cibelushi ulucelo. Ifwe tuli . . . Nga Nsha—Nshakakwanishe ukuyasuka, Munyina Neville ali no kupwishisha amepusho. Bushe ukacita,

Munyina Neville, ayapa Mulungu ulucelo? [Munyina Neville aseka no kusosa, “Cintu ca afya!”—Kale.] Ukuba, mona, nga waba mubwafya, Ndi no kubutukila pamo naiwe. Ena akamoneka. Cisuma.

<sup>301</sup> Cisuma:

Bula i Shina lyakwa Yesu pamo naiwe,  
We mwana wa bulanda na macushi;  
Likakupela ubuseko nokutusha,  
Oh, uka Lisende konse kuntu ukaya.

Ishina Llisuma, O ifyo lyawama!  
Isubilo lye sonde nensansa sha Muulu;  
Ishina ilisuma, (Ishina Lisuma!) O ifyo  
Lyawama! (Ifyo lyawama!)  
Isubilo lye sonde nensansa sha Muulu.

<sup>302</sup> Nomba, nga mulefwaya ukwishiba Baptisti uyo wacetekela mukubilikisha, ulya e musango wa kubilikisha uo Nacetekelamo. Ulya nyina umukote aikele fye palya, kabili u Mupashi waishile pali ena. Ena atendeke ukupunda, ena afililwe ukucikata, ena abwelelemo nokukumbatila umwana wakwe umwanakashi. Ulya e musango Mfwaya ukumona cena. Amen. Cilya cisuma nganshi, imitontonkanishishe ya kale, imyumfwile ya mutima. Oh, mwe, umukote—umukote, uwapimpa, uwapya uwashila, uwaiteyanya ukuya ku ng’anda ku Bukata. Ukulolela fye ukwitwa, mulemona, ukukwata fye inshita iisuma.

Cisuma, Munyina Neville nomba, fyonse ifyo alefwaya ukucita.



*AMEPUSHO NA MASUKO ABA HEBERE ICIPANDWA I* BEM57-0925

(Questions and Answers on Hebrews Part I)

IMIBELE, UMUTANDE NE SAMBILISHO LYA CHALICHI MUKUKONKANA

Iyi Mbila na Munyina William Marrion Branham yaletelwe intendekelo mu Cingeleshi pali Citatu icungulo, u Lusuba Lunono 25, 1957, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)